

清字第二一二號

清遠縣志卷十六

勝跡目錄

城址

廨署

亭臺樓閣
塔院
園林

祠廟壇宇

寺觀

塚墓

坊表

清遠縣志

卷十六

勝跡目錄

勝跡凡例

清字第二一二號

地志之古厥推山海經夏大禹其所紀錄古跡雜陳自後李吉甫承之

元和郡縣志至宋祝穆方輿勝覽所載尤詳於是古跡一門遂為地志之所重

但古跡之內有亭館祠廟寺觀塚墓分別者吳郡經圖有以亭臺樓閣附

館驛者臨安志有以寮驛樓亭嶧縣志及亭堂寺廟激水志不入古跡者至

武功縣志明康海撰則以古跡入地理嘉定志明韓浚撰即墨志林溥撰又以古

跡入雜記紀錄之例諸書不同蓋是時尚未以古跡為總目也阮通

志以古跡而統城址廨署塚墓寺觀及亭臺樓閣各目例至清晰今

從之一曰城址二曰廨署三曰亭臺樓閣四曰壇廟祠宇五曰寺觀

六曰塚墓七曰坊表

英德縣志古跡之內分列名勝黃培鑠撰順德縣志勝跡之內皆是古跡

郭汝誠撰知古跡名勝其名殊其實一也肇慶府志云古跡類中間有非

清遠縣志

卷十六

勝跡凡例

古者如文閣寺觀以類相從亦附列焉屠英修邑內如飛霞洞仙館太

和洞仙館等境則勝矣惟所建不過數十年稱為古跡名實殊乖不

如改從順德志例逕題勝跡庶幾名副其實

城址列於古跡阮通志例也公建機關附於廨署番禺續志例也丁仁

長撰亭臺樓閣祠廟坊表並列古跡史府志例也各志古跡類多本土

之物惟開平縣志張啓煌撰則在邑境外者如塚墓亦錄以此為邑人遺跡

也東莞縣志則割屬於新安者亦錄陳伯陶撰以當時固稱東莞也可知

凡百勝跡無一不當詳矣故今萬人城涯浦關等仍錄之至題勝跡

之詩詞序記諸志皆附各條之下東莞縣志且於題下如羅亭修誌

履歷或篇末橋東草堂詩注王一夔履歷詳註詳注作者履歷俾閱者知其人格

時代其例至善今並從之

清遠縣志卷十六

勝跡上 城址

五婆城在清遠縣東北橫石司側阮通志縣志相傳有五節婦共築故

名清一統志昔五節婦共築今其址尚存張府志

阮通志云謹按五婆城凡二見一在清遠一在英德彈子磯考

輿地紀勝武婆城在興寧縣西二里當五代擾攘武婆糾合村

落屯堡自衛疑五婆乃武婆之誤後人展轉傳會也

謹按世傳古跡諸說不同要之各有所本即如五婆城就英德

縣而論固有兩處英德縣志云五婆城在縣東彈子磯一在即

就興寧縣而言亦有兩事方輿紀要云五季時興寧有五寡婦

利病書云興寧西二十里武妹者築城自衛故又黎遂球滇陽

峽記云禺峽上有五婆城凡惡石如城者五水急入城坳洶洶

清遠縣志

卷十六

城址

二

可畏破舟者目眩心蕩時見鬼婆招之故名蓮鬚閣文集觀此與清

一統志所言則清遠五婆城亦有兩說矣莫衷一是惟阮通志

謂五婆即武婆之誤近於武斷

尉佗築城滇山名萬人城清一統志引通典云清遠本漢中宿縣地

縣北滇山上立萬人城輿地紀勝萬人城在漢中宿北隕山阮引黃萬人

城在中宿北隕山基址尚存郝通志萬人城在清遠峽中宿北隅山故

址尚存張府志

史府志云謹按張府志所云與黃通志合考萬人城有二一在

英德一在清遠阮通志分列之本無可疑清遠志稿援元和郡

縣志英德北四十里之萬人城以牽合於清遠其實非也

光緒志云謹按舊志亦云尉佗萬人城在漢中宿北隅故址尚

存而元和郡縣志云滇山在英德縣北四十里尉佗為城於此

名萬人城二說互異疑未能明也

英德縣志云謹按萬人城址所在衆論紛紜今考連州江口西岸有一圓山在懷厚鄉邊界山麓有舊署基址山頂四周有土臺儼然古代屯兵之地可證為萬人城址且與王城口俗稱亦合又云正當湊涯合流之處其山鑿平如址層層上至山頂耆舊相傳謂為尉佗萬人城所在黃通志亦謂尉佗萬人城在中宿北鄖山湏隕圓音形相近或即此也

謹按萬人城李氏元和志王氏紀勝作湏山黃氏郝氏通志作隕山張府志作北隅山其名不同一統志阮通志分列於英德清遠其址亦異考元和郡縣志云湏山在湏陽縣西四十里尉佗築城於此名萬人城今刻本誤作在縣北李氏在唐見聞較近其說可信以後來輾轉傳鈔誤西為北遂至糾紛不明英德縣志云此城尉佗必為守

清遠縣志

卷十六

城址

三

險而設若如元和志云在縣北無關險要

所謂湏山者即湏陽峽下之小山以其近

湏陽峽遂連類而冒之曰湏山耳計其距英德適在四十里韶州府志云萬人城在英德西四十里是其證也地當中宿縣東北境內故宋王象之輿地紀勝亦從其說迨至明代黃通志因湏字形似譌為隕山郝通志因之阮通志引之愈為糾紛或曰如李說城在英德而輿地紀勝及黃通志則謂在中宿北不知秦漢以至五季中宿疆域俱以涯水為界湏陽峽下之小山正當分界之邊其地原屬中宿辨詳疆域類故王氏黃氏必云漢中宿者上溯當時之實在境域也漢時由飛來大廟峽以至連江口西岸一帶俱號北禺該小山與之毘連張府志謂在北隅山者以此各志雖知城在大廟峽間阮通志云大廟峽界中宿湏間尉佗築萬人城於此因不明疆域之變更仍不敢決英德縣志云大廟峽險狹尉佗築城或在於此吾縣舊志

引英德萬人城以實之誠當然未審元和志之誤字故史府志譏其牽合究其實址英德志所謂連州江口涯濠二水合流之處有一圓山是也水經注云涯水入濠之處曰涯口唐劉禹錫酌馬大夫登涯口戍詩云瘴雲深處守孤城劉禹錫詩集孤城卽萬

人城也涯浦關萬人城同在一地元和志云涯浦關在滇陽縣西四十里是其明證王象之在宋所引亦是在西可知關城俱在涯口英德志所謂圓山者以形象名之耳滇山之名實因滇峽該志疑爲圓隕形近之誤非也至於地址以今日疆域言則在英德以當時境界言則在中宿疆域變遷故所紀互異耳又太平寰宇記云廣州孚山有萬人城尉佗所築英德志疑孚山卽隕山而無斷語英德志云大廟峽在英清交界孚山或卽隕山亦未可知不知寰宇記列

於廣州之下明指中宿之萬人城矣至張府志以現在之清遠

清遠縣志

卷十六

城址

四

縣城爲萬人城則大誤矣

中宿廢縣在縣西北

阮通志

中宿故城在縣西北六十里池水鄉

清一統志

一云在政賓鄉有政賓江

阮引縣志

中宿廢縣在河洞村距城十里

郝通志張

府志

阮通志云謹按寰宇記中宿峽在清遠縣東三十五里縣以此得名又黃通志方輿紀要並云隋改中宿爲政賓縣移東官郡治焉無明文可證

光緒志云謹按黃通志及方輿紀要之說非也考南海郡政賓舊置東官郡平陳郡廢則隋時並無東官郡矣陳時以政賓屬東官而當時仍有中宿縣又元和郡縣志云梁武帝置清遠郡中宿屬之則中宿自屬清遠郡政賓自屬東官郡蓋以一縣分而爲一又分屬兩郡亦不得謂改中宿爲政賓移置東官郡也

謹按郝通志張府志之河洞村村字乃都字之誤惟河洞都距城不止十里圖書集成正作六十里清一統志之所本也

政賓廢縣在縣西北縣志今縣西北池水鄉有政賓江尚以故縣為

名清一統志

謹按濱江三區屯步鄉地方有村曰城幪世目為中宿縣城一

統志所謂在池水鄉郝通志張府志所謂在河洞都但刻本都誤村阮

通志引縣志所謂在政賓鄉者皆暗指此地以愚考之非也清

遠縣秦始皇時建曰洌江漢武帝時改曰中宿由是至今皆為

縣治考中宿之名太平寰宇記謂取名於中宿峽在縣東三十里以

得名顧氏方輿紀要謂取名於中宿山在縣東十二里以此名六朝齊末建

立清遠郡中宿縣屬之見元和志迨隋開皇乃省中宿及廉平

威正恩洽浮護各縣郝通志云即改為清遠縣隋書地理志郝通志

清遠縣志

卷十六

城址

五

云中宿舊城在今城東北是也水經注云溱水逕中宿縣南北即

河江大更足為證或曰中宿縣漢在今址後遷濱江溱水亦是在

南豈能以此斷之不知水經注例凡舊城必加故字如云涯水

逕陽山縣故城是也不曰故城可知即為現址或疑城壘苟非

中宿縣何以清一統志通志府志諸書皆謂在縣西北不知此

顧氏紀要之誤方輿紀要云中宿廢縣在縣東北六十里此東字更誤清一統志諸書不

察沿襲而亦誤耳顧氏紀要乃記載全國之書地大事繁舛誤

自不能免即如錄清遠之沿革一則曰梁析置清遠縣為清遠

郡治再則曰梁析置清遠縣又改置政賓縣移東官郡治考清

遠郡創於齊末清遠縣置於隋初謂梁置縣者非至東官地非

毘連謂移其來治辨詳沿革類尤誤然則濱江之城幪究為何城此

則隋開皇十年所立唐武德六年所省之政賓縣址清一統志

云政賓廢縣在縣西北池水鄉是其證也但所云或曰卽中宿縣改置八字則又反贅茲故刪而不錄考隋開皇時降清遠郡爲清遠縣並分立政賓縣於濱江今謂卽中宿改置又謂政賓江以故縣爲名

古來以山水名郡縣者甚多以故縣名山水者絕少

皆近武斷特訂正之

中宿舊城在今城東北基址尙存

張府志郝通志

謹按史記西南夷傳謂建元六年唐蒙問蒟醬所從來曰道西

北牂牁江江廣數里出番禺城下

卽今廣州城

陳澧云此在元鼎前

十二年其爲秦縣無疑

東塾集

由此觀之則始皇謫治獄吏不直

者築南方越地蓋卽興築中宿萬人城及番禺各縣城也洌江縣城亦此時所築故續漢書郡國志謂南海郡七城中宿其一也或曰如秦漢有城何待元世主部白太平婦築土城不知元自知以異族入主中夏故埋城池銷鋒鏑以防變亂農田餘話

清遠縣志

卷十六

城址

六

云元自得江南後一概盡毀城壁民有弓箭兵器者重刑之惟番禺續志云元時毀天下城隍廣州城獨無恙而圖書集成則云至元十五年平廣州城隍三十年修復之觀此則中宿城必同時所毀迨至正間海寇刼掠太平始築土城以防拒之也

志前事

且黃通志謂太平修築土城以禦寇

阮通志列傳引

曰修築則非

始築矣知今城爲漢中宿舊城但東北城基則爲明成化所包築也

清遠古城在社稷壇前居民藉此爲衛

清一統志張史府志

謹按舊清遠城歷代更置不一誠如阮通志所云然

見建置類

今諸

志謂清遠古城在社稷壇前中宿舊城在城東北此乃明築之新城耳阮通志謂成化二年姚英議將東北一帶包築土城限之以便巡守卽今新城云云又舊志云成化六年作新城子城

八年新城子城成並有陳琪修城碑詳載其事則所謂基址尚存居民藉此爲衛者皆卽成化二年所議六年新修八年所成之新城也雖中宿舊城清遠古城皆在今城地方但東北基址則爲明朝所築修城記尙可考也今東便附郭一帶稱古城鄉實誤張府志云古城基在社稷壇前攷之阮通志舊縣志均謂社稷壇在城西蓋誤以瑞峰之先農壇爲社稷壇也

威正廢縣在縣西北縣志有威整山在縣西南故威正縣蓋在其側

清一統志

謹按清一統志山川云威整山在縣西南一百里此謂在縣西北者同是一書而所錄互異蓋傳鈔之誤也清一統志阮通志原爲威整山光緒志引舊志作威鎮山亦誤今四會縣尙有威整墟則廢縣當在三坑墟附近也

清遠縣志

卷十六

城址

七

故清遠郡卽縣後衙北址

張府志

守衛所新城在濶二鄉西邊今廢

光緒志引舊志

勝跡

廨署

察院舊爲總府

阮引黃志

在縣治左今圯

郝通志

布政分司署在縣東聚星里

圖書集成

萬曆間南韶守備白檳巡至清遠

即捐廉修葺布政分司行署以爲駐所

中宿文獻錄

按察分司廢行署在縣治北

郝通志

明正德元年吳廷舉建

阮引黃志

圯

張郝志

兵備道舊行署在縣治北西南

圖書集成西門誤

直街

阮引金通志

光緒志云謹按舊志云在下郭九松里今廢

謹按張郝志之說與金通志同而光緒志云在下郭考梁景行備兵行台記弘治十八年吳廷舉至無屋以居正德改元乃於

城西北隅貨民地以建云云所謂西北隅者正按察分司署地黃通志謂正德元年吳廷舉建是也金光祖修於易世之後另出兵備道行署於縣治西北不知兵備道署卽按察分司署名異而實一也明初凡按察司之副使僉事分道巡察卽布政司之參政參議亦分守州縣巡視民瘼明史職官志謂洪武十五年置天下州縣按察分司以儒士王存中等五百三十一人爲試僉事按二縣凡官吏賢否軍民利病皆得廉問糾察故各州縣有分司署至洪武二十九年改按察分司爲四十一道廣東三道清遠屬嶺南道歲必巡蒞故有分司行署也至弘治十八年御史聶賢等以清遠盜賊生發奏設按察司僉事一員駐劄清遠爲整飭兵備道於是兵備道常駐清遠然此乃創設之官未有公署故吳廷舉至無屋以居則舊志所謂九松里者蓋吳

清遠縣志

卷十六

廨署

八

公初到暫駐之所逮正德師旋始貨民地以擴修按察分司行署也金通志之兵備行署實爲重出矣

明梁景行嶺南兵備行臺記

景行順德人鄉賢官至壽府長史

弘治十有七年廣東南韶諸郡盜賊竊發有嘯聚黨與據險而阻兵者民被其毒道路不通使臣言諸孝宗乃詔選羣臣知勇廉能者一人往經略之少師馬公文昇司馬劉公大夏以松江府同知吳廷舉特薦爲按察司僉事衆議允諧逐命整飭兵備十八年六月至無屋數椽以居乃建白于督撫巡按諸司酌量公費建衙於清遠于以牽聯上下其勢爲宜事方有緒猶未卽功而盜日充斥縱橫公卽帥師摧後山獲其舟大舉十三村蕩戮兇渠池水傾覆其巢穴池水上疑漏一征字越明年改元師還遂於城西北隅貨民地若干畝鳩工庀材前立轅門三楹儀門次之中爲廳廳後爲堂各五楹

傍列小屋十餘間闢燕居于其後周繚以垣弗陋弗侈悉以法故規畫半之而連山又報警矣於是親率熊羆往征而命有司董其役及凱還之日工適訖功諸凡廢墜亦次第修改時爲正德三年而召還之命下矣蓋自中古以來改久任之法朝選暮徙士大夫視公府如傳舍有能積以歲月而得一展其素乎知爲之不給度無以副之有不以爲當然者乎蒞職僅三載度出師之日如始至其能自己於心乎公謂景行曰吾未嘗因循苟簡以有事爲無事亦未嘗紛擾妄動以無事爲有事也故以時紕舉羸心長而日不足將若之何子爲我記之俾後之人知此臺之所始而我不爲傳舍旅人也景行承公命蹟其興造始終系以歲月若夫勛業之大則紀諸太常利澤之深則載諸口碑非片石所能概也

光緒志

舊府館在縣治左久廢

阮引金通志

今圯

郝通志

清遠縣志

卷十六

廢書

九

知縣舊志隋開皇十年創於鳳凰臺後

阮引黃通志

明初知縣陳惟善建

於鳳凰臺舊址

史府志

洪武十四年徙於察院右今仍舊

張府志郝通志

清歐應如清遠縣詠古詩

見上

楊州南境女牛鄉庾嶺西馳控五羊一宿海潮傳漢武千年山寺

紀蕭梁春巖露湛懸芝草古堞

光緒志作蝶誤

花明集鳳凰地轉天開坡

老句至今名勝說禺陽

光緒志

舊儒學宋建於縣治東南明建於北門外瑞峰寺故址明末燬

阮通引金

清初移舊衛址

修學記

乾隆初陳哲移登瀛街因典史舊署捐修

光緒志

橫石遞連所在縣治西久廢

阮引縣志

明洪武九年知縣王淵建今廢

光緒志

橫石磯廢驛在縣署東九十里

阮引縣志

明洪武六年知縣李鐸建

光緒志引

志舊

迴岐廢驛在縣治西南六十里阮志引明洪武五年知縣李鐸建光緒志引

志舊

謹按方輿紀要云迴岐驛在縣西南八十里與此不符查驛設迴岐山下無八十里應從阮通志惟通志鐸誤作驛今從列傳改正之

官庄廢驛在縣治東九十里阮志引明洪武五年知縣李鐸建光緒志引

安遠廢驛在城西郝通志明洪武五年設十六年知縣鄭孔實建光緒志引

志舊 清初驛衙在縣治東陳哲遷縣署碑

河泊所廢署在縣治東今裁郝通志明洪武十四年立光緒志引今廢張志

典史署在縣署左郝通志舊在城東陳公營阮志引清乾隆以縣署頭門

清遠縣志 卷十六 廢署

為監獄重地職守宜專仍移典史署於署右史府志原在縣署右訓導

署故址陳哲移近監獄以便防範光緒志

清遠衛在縣治東洪武二十二年建方輿紀要

謹按阮通志引縣治清遠衛廢署在城內武安街今為游擊署

光緒志史府志引舊志同查清遠衛署在城中大街即今日之

縣署查舊志有衛西街衛東街原注云即今縣署之東街其證一明代知縣

署在察院右即今之大觀街顧氏紀要云衛署在縣治東其證

二舊志學校類云康熙四年知縣劉堯之卜舊衛故址遷建即

今縣署以直街為青雲路以正南為文明門其證三竺山舊話

云白氏荷宗祠記略曰萬曆間我宗人建大宗祠於城內學後

街常平倉右王太史為題坊曰武安則明代之武安坊為義倉

祠堂之地不能建衛署其證四舊志古跡云鎮遠樓在衛前今

之古樓街縣署前尚名古樓壇其證五又白氏譜云順治兵燹
武安祠堂由官收沒駐紮官兵則武安街之駐兵自清初始並
非明衛設此其證六今從方輿紀要錄之查舊志之所以誤攷
光緒志建置類云清遠營游擊署在武安街康熙四年衛掌印
守備張所欵捐欵置城內武安街衛署一所後裁衛缺改爲游
擊署知舊志所錄者乃清初衛掌印之廢署阮通志指爲明代
指揮使之衛故誤也

四門兵馬司廢署在衛署內

阮通志

衛經歷廢署在衛堂左

同上

衛知事廢署在衛堂右

同上

鎮撫司廢署在衛儀門左

同上

衛司獄廢署在衛儀門左

同上

清遠縣志

卷十六

廢署

二

涂璋重建清遠衛堂記

璋番禺人舉
韶州通判

廣東古百粵地至漢肇置郡縣梁以清遠置郡隋罷郡改中宿爲
政賓縣隸廣州唐省政賓爲清遠我洪武十五年立守禦千戶所
二十二年廣東都指揮同知花茂奏置清遠衛設官以主之環以
崇墉前建以儀門二門東西建鎮撫廳五千戶所衙門六房中有
正堂左經歷司右知事廳甚盛之制足壯觀瞻也正堂二堂歲久
凋弊不起瞻視人將慢焉後堂重建於都指揮同知尹通德明今
掌印指揮僉事尹鐸宣文父也德明公任指揮使時有意正堂之
建因其賢能總督原文兩廣軍務都憲王公翱原文薦之於
朝授署都指揮僉事分守邊境勤勞有年累陞前職成化乙酉宣
文承歸承下疑光緒
志漏恩字任不閱三月從事總督大征既還提兵出備
韶郡英德適遇朝廷推選軍政之任視事以來恭敬朝夕惟厥父

母之訓是承顧瞻正堂頽陋弗勝惶惶莫安欲急成厥美以成父志值頻年軍旆絡繹地方多事而未暇及嘗語同寅指揮鄭君曰正堂政事所由出也正堂傾圮無以表率盍共成之原文共誤其鄭君曰此義舉也慎無遜焉願協力以助宣文乃於成化庚寅歲稔民安無擾則曰時可爲也相議充合採木石於山林火瓦磚於土陶集匠鳩工焉規模宏壯結構緻精視署制相去徑庭高二丈深五丈仍修建儀門垣牆墀道六房鎮撫五所輪焉奐焉足以起人敬仰復於後堂扁忠愛二字光緒志扁下衍曰字欲遵先聖明訓念厥父遺志警惕不忘也肇工於是年冬十月造成於癸巳秋八月宣文以落成不可無述作以識興建歲月乃具顛末謁文爲記壽諸堅珉俾有考焉夫清遠古未有衛自明朝始設守禦至今百有餘年其能修葺者幾何人哉而宣文父子始克祇奉德意相繼銳志咸一新

清遠縣志

卷十六

廟署

二二

之可謂難能者矣雖然鼎建特政事之一也宣文英敏俊雅所善尚多居官能持守不刻蒞政勇于爲善精通武藝更讀儒書善唐人聲律工趙松雪光緒志誤作雪松楷書城池串樓馬牆悉心修治軍民是非得失舉克明辨以致城市鄉村之人倚重有父母之愛焉今以是復宣文之請非溢美也後之人讀是碑亦知衛堂之建有所自宣文益可嘉也光緒志

中所千戶署在濱江白石潭志堅訪册

僧會司在龍興寺圖書集成後在上郭東林寺郝通志

謹按張府志作僧綱司誤

道會司在城內衛西街漢三訪册

醫學在縣治西郝通志明正德六年知縣張欽改建於洪聖廟今圯張府志

醫學改建洪聖廟今廢圖書集成

陰陽館在縣治西今圯志 郝通明正德六年知縣張欽改建於洪聖廟

今廢志 史府

橫石磯巡檢司在縣東潛江鄉舊橫石寨洪武二年圖書集成巡檢趙澄

立光緒志今裁郝通志

明陳邦彥橫石舟夜詩見上

野燒平林晚荒村白葦秋鳴鉦嚴夜號藏火辨更籌破浪懷空切

聞鷄志未酌前途看漸近羈客莫深愁雪聲堂集

謹按斯時巡檢已裁此詩云更籌鳴鉦者蓋衛兵駐防舊巡檢

署也

濱江巡檢司署在縣西北四十里郝張志明洪武十五年巡檢宣德俊

建圖書集成嘉靖元年兵備孫公懋委巡檢陳珊重修光緒志清嘉

慶二十一年蔣攸銛奏請將司署變價湊建移駐沙河鑼鼓灘後因

清遠縣志 卷十六 廨署 三三

水漲倒塌仍建於珠坑墟史府志

潛江巡檢司署在縣東南一百五十里郝張志舊名潛江寨洪武二年

巡檢蘇忠建宣德九年巡檢馬中正重修光緒志清咸豐四年燬於

賊五年巡檢周季培重修七年復燬同治九年葉壽椿修復光緒志後

水毀旋由甘嵩壽租借朱氏祖地移建於關前墟潛江訪冊

謹按潛江巡檢司署原有赤坎墟側清咸豐間賊亂被焚各官

皆在赤坎墟側白沙塘村借民房以居隨後有巡檢以鄉居不

便因在關前墟租賃舖居為署至同治間潛屬紳士集議遷建

興賢社學時任巡檢者甘嵩壽屢到公所懇請紳士維持建署

於是相得興賢社學之右有兩岳朱氏祖遺舖地一大瑕可以

建署遂請朱氏祖借此地約定每年納租銀四兩遂募捐建於

關前社學之右至民國四年洪水為災全署倒塌今為荒地

迴岐巡檢司署在縣西南三十里太平市張府志 舊署去縣西南六十

里郝通志 巡檢石斌玉遷建於太平市後傾圮光緒志 雍正九年巡檢

范光宸建復阮通志 咸豐四年燬於賊巡檢遂寓民舖光緒志

清遠營游擊在城內張府志 武安街康熙四年衛掌印守備張所欽捐

俸自建城內武安街衛署一所後裁衛掌印缺改為游擊署光緒志

謹按中宿文獻錄所載明代清遠衛指揮使職權甚重共轄千

戶所五中所千戶駐濱江前所千戶駐縣城又南雄一千戶所

韶州一千戶所連州一千戶所均隸之管理屯丁屯糧屯兵之

事清初革衛所之制改為錄營而明衛之職務廢故設立一衛

掌印以都守武員充之使之編丁徵糧故衛內佔學額二名其

權之重如此至雍正三年裁汰清遠衛乃歸清遠縣管理事見

賦役全書則武安街之衛署乃清初衛掌印之新署非明代衛

清遠縣志 卷十六 廨署 一四

指揮之原署矣阮通志列衛掌印新署於明代衛經衛知事之

前實誤

清遠左營中軍守備署在南門水關阮通志 原英清營守備

署咸豐四年燬於賊同治十年署守備劉居德修復光緒志

清遠右營守備署在濱江浸潭墟光緒志 嘉慶二十一年奏准將黃岡

協之守備改設此缺建署於此阮通志 而守備則常駐游府前軍裝局

光緒志 後又駐衛西街青雲里之公地民國三年投變為民居矣述冊志

英清營守備署初在明倫堂址後將署投變遷建於水關訪冊志

右營千總署在浸潭墟阮通志 嘉慶二十一年設咸豐燬光緒志

把總署在官庄汎阮通志 咸豐燬於賊史府志

把總署在石坎汎阮通志 咸豐燬於賊史府志

城守署在武安街嘉慶二十一年改把總為城守咸豐四年燬於賊

光緒志 此後改駐南門樓碧山訪冊

清遠庫在縣署大堂左史府志

牧馬草場在城西郊光緒志

演武廳教場在城西二里阮通志

汎房十七處曰官庄石坎源潭洲心關前湯塘高田龍頸埧仔平岡

珠坑沙河龍塘企嶺三坑迴瀾陂頭阮通志

勝跡亭臺樓閣塔院園林

峽山書堂又名讀書臺峽志 在峽山寺東書堂坑相傳黃帝二庶子隱

此讀書阮通志引黃通志 二子長太禹次仲陽降居南海與其臣曰初曰武

隱此故山名二禺上有帝子祠下有讀書臺右為山暉堂祀二臣皆

朱叔子建張府志

謹按禺陽帝子之說據阮通志謂始於東漢譚子和之海嶠志

清遠縣志 卷十六 亭臺樓閣 一五

所載則其來舊矣至於書堂祠宇不知創立年月在宋世已云

耆舊相傳踪不記年矣宋景定五年敕封詔書云峽山之中佛

屋甚古二神自鼎興早禱輒應則祠自五代已著靈異輿地紀

勝云祠在東廡南海百詠云至今廟貌猶存是也張府志云皆

朱叔子建不知祠宇至明頽毀叔子捐款重修耳

明張翹峽山書堂詩翹南海人通政使

僧寺依山麓書堂而水隈鼎湖龍馭遠禺竹鳳聲哀禹貢不及載

秦關尚未開如何二帝子萬里却能來峽志

清呂洪二萬禹帝子詩洪鶴山人舉人韶州訓導

蒼崖夾凝碧五嶺昔未開傳聞洪荒世帝子先南來驂鸞朝玉京

尚有讀書臺臺上多悲風入夜猿聲哀鼎湖龍不歸二子安在哉

空餘養真地終古封蒼苔神仙可力致後世紛疑猜秦皇與漢武

因之求蓬萊

學海堂集

歐觀祿讀書臺謁軒轅二帝子集陶句

觀祿邑人 官儒學

野外罕人事分明望四荒山川一何曠見重我軒皇 落地為兄

弟實由罕所同榮華誠足貴當往志無終 擁懷累代下胡事乃

躊躕伊人亦云逝時還讀我書

光緒志

何售讀書臺詩

售邑人 武舉人

臺鎖荒煙倚翠屏軒轅帝子幾沈冥阮俞逕裏聞猿嘯如讀家傳

素問經

同上

歐為光讀書臺詩

見上

書齋高結山之阿帝子當年此寤歌欲訪遺經開石室洞浸今已

鎖煙蘿

光緒志

黃元青讀書臺詩

元青邑人 諸生

清遠縣志

卷十六

亭臺樓閣

一六

當年帝子不傳名同入禺山隱此坑山色尚留清淨相溪流猶帶

讀書聲

同上

孫繩祖讀書臺詩

見上

大塊文章聚此臺山光潭影映蒼苔清風日送書聲下皎月宵移

燈幌來帝始三墳雖未出羲皇一畫已先開結繩易後圖書啓應

有英華散九垓

峽志

鄭廣讀書臺詩

廣南海州人 售

一椽風雨蔽江隈千古碑銘長綠苔莫道名山僧便佔有人先此

讀書來

同上

黃球讀書臺詞調憶君皇

球邑人 監生

千峯深處讀書臺積翠凝紅錦作堆帝子何年去不回鳥聲哀風

捲殘花片片來

同上

黃輝斗讀書臺詩上見

帝子乘風至千秋尚有臺相傳讀書處但見野花開圓景界蒼壁

輕嵐染綠苔雲裾雜星佩冉冉彩雲來上同

黃鶴巖讀書臺詩上見

軒轅帝子讀何書直上飛來絕頂居老樹藤蘿掛千尺儼然親盡

結繩初志 峽

林伯桐讀書臺詩上見

高處必古書世人罕能讀小篆九千文說解兼通俗阮刻

郭志融讀書臺詩上見

蹤蹟茫茫太古餘窮荒猶是百蠻居却緣何事來偕隱不愛官家

愛讀書藕缸詩集

釣鯉臺舊縣志作在寺西平聳大石枕江峽志秦趙胡釣得金鯉百觔

清遠縣志 卷十六 亭臺樓閣 一七

貢之秦皇有釣鯉臺南海古蹟記今釣石尚存輿地紀勝

謹按輿地紀勝云於二禺山間釣得金鯉而誤列於增城縣下

今正之

宋方信孺釣臺詩信州知府人

釣得神魚金作鱗舊臺百尺漫嶙峋絲綸不入熊羆夢當日何人

老渭濱南海百詠

明倫以諒釣鯉臺詩上見

一水明兩岸千峰長綠苔憑高窺鳥道尋勝得魚臺峽志

方肯堂釣鯉臺詩肯堂番禺人進士兵部郎中

兩岸江雲向曉開片帆飛出萬峰來滄浪夜半歌聲起誰說撐舟

過釣臺同上

清劉子揚釣魚臺詩上見

好倩西林月作鈎，凌空繪影下中流。蛟龍夜起眠無着，怕有絲綸

據上游何刻

高斐釣臺詩見上

餌釣原非釣細鱗，祇緣掌上有絲綸。大都幻妄神仙術，不若樵漁

是本真何刻

許慶宗釣魚臺詩見上

孤石隱蒙密，俯瞰千尺谿。地無羊裘翁，跡誰所遺。江光清瀉笠

山影晴，睂絲慎勿掣。金鎖水府驚潛犀何刻

儀克中釣臺詩見上

高臺突兀雲根倚，誕登其上平如砥。好事來垂百丈綸，澄潭不少

琴高鯉。趙胡一舉得百斤，睽目揚鬢金作鱗。神物驚人信希有此

臺，與客俱千春。我來垂釣何所得，亦有雙魚已過尺。腹中豈必故

清遠縣志

卷十六

亭臺樓閣

一八

人書回首巖端問，飛翼凡鱗爾却來。何須相觀而善安，在魚嚴灘

渭水商出處短笠蕭然，聊自娛山清水碧無塵障。此間畧可容疏

放一舸，吾將歸故鄉。龍門萬點桃花浪海學堂集

孫繩祖釣鯉臺詩見上

坐石垂綸憶趙生，百斤一餌尚嫌輕。無端入貢秦皇去，釣鯉原來

是釣名峽志

天王寺唐廣德癸酉年創建久廢峽志

楞伽臺在清遠峽黃郝阮通志

唐李羣玉將逸羅浮登廣陵寺楞伽臺別羽客詩見上

清遠登寺臺，晃朗縱覽歷濁泉。喚仙風全唐詩集於此蕩雲魄，冷

光遨遊目全唐本作激遠目全唐本作百里見海色，送雲歸蓬壺。望客滅秋碧全唐本作

波瀾收日氣，天月回澄寂全唐本百越入掌中全唐本十州點

空鶴

空白身隨飛鳥去全唐本口誦元天籍全唐本飄如出塵

籠相望吹簫客全唐本冥冥人世間全唐本歌嘯不足惜全唐

本嘯作笑揭來羅浮頂全唐本披雲煉瓊液謝公雲岑興可以躡高躋

吾將抱玉琴全唐本絕境縱所適光緒志

謹按此詩題下舊引脫去登廣陵寺四字今據全唐詩集本補
入飛來在唐時名廣陵寺此詩首句云清遠登寺臺則楞伽臺
必在廣陵寺內矣至宋尚稱廣陵寺如東坡題名是也此詩與
全唐本差異數字茲照光緒志錄此其與全唐本差異者分注
於下

許惲游楞伽臺詩上見

碧煙秋寺泛潮來水浸城根古堞摧盡日傷心人不見石榴花發

讀書臺本集

清遠縣志

卷十六

亭臺樓閣

一九

化樂臺在峽山南禹光緒志昔梁靈霽禪師於此說法忽聞異

香滿座師曰此化樂境也因名址尚存峽志

唐李羣玉宿清遠峽化樂臺遇風雨詩上見

孤鶴長松巔獨宿萬巖雨龍湫在石脚引袂時一取驚風折喬木

飛焰獵窗戶半夜霹靂聲高齋有人語本集

謹按舊志無此詩今從本集補入

宋方信孺化樂臺詩上見

不須飛錫更浮杯坐了殘經幾劫灰忽覺異香涼滿座豈知明鏡

亦非臺南海百詠

明朱學熙化樂臺詩上見

說到生公講後經蛟龍夜出石潭聽驪珠正照維高室光緒志

優鉢花開蘭葉青峽志

謹按此詩光緒志作無名氏今從峽志補之

僧德清化樂臺詩德清南華寺主席號

千尺峻岫碧嶂開傳聞殿閣是飛來聽經龍臥滇陽峻換骨猿棲

說法臺定水千秋常不竭迷津終古實堪哀夢游集原注云泉名定心秋風桂

子天香落原注云寺中有四桂樹正著花觸著應須念劫灰同上

獅子臺在飛來寺後光緒志即梁時跋多羅三藏見聖僧所建址存

志峽

水簾臺在峽山光緒志瀑布潑洄頓折狀若珠珞晶簾志峽

明僧通岸水簾臺詩通岸詞林僧

寒瀑挂幽岩霏霏自千尺恍訝水晶簾清映太古石有美臨高臺

瞻雲終日夕俯視塵寰中勞生何役役志峽

御風臺在石樓峰頂光緒志亦葛稚川修煉處左右青巒迴抱峽水

清遠縣志

卷十六

亭臺樓閣 二

環足下宛如虛舟橫繫江面向築臺其上覽勝登此不啻一葦所如

憑虛御風也志峽

清孫繩祖御風臺詞調巫山一段雲見上

翠屏圍兩腋帶水束纖腰平臺綿亘鬱岩堯虛舟漾沓潮天風吹

不動極目興偏饒置身圖畫挂雲霄輕煙籠葦綯同上

釣鰲臺在城西半里與水口鰲塔相望其陽為安遠驛光緒志

鳳凰臺在城內西南隅城隍廟前馬山訪冊原名儀鳳臺鍾于田宋端拱

元年鳳凰集清遠廨合歡樹樹下生芝三莖宋史太宗本紀知廣州軍李昌

齡圖以獻因即此地建臺光緒志明萬歷十九年六月金鳳騰空且

有赤紗冉冉飛籠於上又七月二十六日有二大鳥來集高岡樹上

五彩成文午後飛於鰲塔之上署邑通判光緒志吳聘構亭

於鳳凰臺上識之阮通志清乾隆二年知縣陳哲嘉慶十二年紳士

重修

光緒志
引舊志

同治十二年復重修

光緒志

明鍾萬春鳳凰臺詩

萬春邑人舉
人官知府

鳳凰臺上鳳凰來迤邐千秋只此臺古廟啼鶯空隔葉深春梧樹
好誰栽影涵城郭雲偏鎖地轉東南水竟迴形勝只今還兀兀高

翔寥廓使人猜

光緒志

清洪懋樞鳳凰臺詩

懋樞日照
人任邑侯

瞻望何時睹鳳來滿城榛莽漫登臺江山秀色猶初闢梧竹陰深
願再栽古廟巋然留鳥韻浮屠削出挽沙迴扶輿磅礴非無故萬

竈重興詎復猜

同上

蔡日融鳳臺詩

曾聞苞彩自天來此日登臨獨有臺廣莫枝豐遺舊植河陽花好
俟移栽方乘秋雁隨風至又見春鴻帶月迴流虜天南仙未得金

清遠縣志

卷十六

亭臺樓閣

二二

枝丹竈轉生猜

同上

黃許嶸鳳凰臺詩

見上

共見當年有鳳來閒隨仙履上春臺桃花已映層城發蘭茝還看
夾道栽地聳高岡形獨秀水當孤塔勢仍迴從今鸞鷺聯翩起嗣

響誰啻豈浪猜

同上

謹按阮通志引舊志謂萬曆十九年七月二大鳥來集高岡五
彩成文云云知卽鳳凰此詩有地聳高岡形獨秀句又知高岡

卽鳳凰臺

夏雲鳳凰臺詩

見上

九成律協鳳凰來韶石清溪兩有臺羽族尙留前代蹟梧陰長念
昔賢栽亭環睥睨千峰入水到浮屠一柱迴聞道騰空當日事冥

鴻相見莫相猜

同上

郭志融鳳凰臺詩上見

我登鳳凰臺手弄鳳凰翼大笑疑山鷄俗土安得識鳳凰飛起天
邊翔我欲從之遊八荒十二重樓飛綵翮口啣圖瑞開天閭侵尋
此志成消歇一樽醉後幽思發側身北望畏黃塵回首長吟向明
月却怪明月飛青天呼之不肯來我前相照何人共千古光明勞
爾長高懸夜冠茫茫滿八極腐儒閉門擁楮墨顧影焉知後世名
鈎心總費平生力何從乞得數斗心頭血灑向筆端成五色藕缸集

拜經臺在峽山由問歸亭而中碧軒而黃金澗而最高處為拜經臺

西峰之勝處也王士貞北歸志

清黃輝斗拜經臺詩上見

瑤臺嵌丹壑緬想拜經時月白千秋靜天高萬象垂鐘聲出櫟社

梵語應杯池頂禮情何限如來知未知峽志

清遠縣志

卷十六

亭臺樓閣

二三

佟毓秀畫松拜經臺壁並題毓秀瀋陽人布政使司

古刹溪邊暫泊舟每因山水必勾留老僧解得清幽意為寫蒼松

雨乍收同上

張天覺拜經臺次佟方伯韻天覺布政司參議

為尋舊跡復停舟雨後晴巒積翠留最愛老松蟠筆底參天枝幹

短垣收同上

唐南林柴公厚拜經臺聯句南林雲間人公厚山陰人

山深林自密厚公路轉徑還深瀑挂高低雪南林禽留上下音有雲堪

贈客厚公無事足關心不盡扳躋意冷然發短吟南林

靖遠樓在縣治南即縣譙樓正德二年僉事吳廷舉建黃郝院通志

鎮遠樓在衛前今之古樓街上有銅壺滴漏已廢張府志隆慶六年清

遠衛指揮使白元潔建中宿文獻錄

鄧文學鎮遠樓記文學馬平人邑侯

缺去十餘字

去年英德流賊張廷

糾黨數千蹂躪我

疆界虜劉我人民大憲赫然斯怒分

師徒尅期殲滅時指

揮使白將軍統率熊熊風馳電擊不

月賊人斯得總制御

公重 勇略卽奉簡命升授今職一方

缺十數字

出水火而登衽席

缺數字

謀銘勛紀績公卽自捐廉俸建鎮

遠樓於城之中

缺八字

高逾三丈瑣窗洞

缺十二字

前臨泃江後

倚筆架

雄壯眞足雄鎮南服管

而適當衛堂之前尤

足壯軍門之勢從此猺獠斂

賊潛

缺去十九字

公又捐廉令

江西銅匠 重五鑄造銅壺滴漏一具於樓上

缺二十餘字

以前

民用而協天時

缺十餘字

隆慶六年十月 日

郎前署

縣 鄉 進士

篆額 郎

府清遠

清遠縣志

卷十六

亭臺樓閣

一三

平鄧文學

撰並書

奕葉傳芳集

伏虎樓在飛來寺右

光緒志引舊志

內豎霍文敏伏虎碑故名又名復古樓

吳楚材游記

明趙善政伏虎樓詩

見上

驅鱷文何壯驅虎心良苦寄言民牧者慎莫猛於虎

峽志

清黃璘伏虎樓詩

璘邑人武舉人

樓高凌碧漢虎伏峽山清信是誠能格敢云浪得名奇文千古頌

險道衆人行端拜穹碑下霍公氣尚生

峽志

清音樓在峽山萬曆戊午朱學熙建卽今禪堂是也

峽志

明總制張鏡

心改爲琴心閣

光緒志引舊志

明韓日纘清音樓詩

見上

清山寂寂水悠悠獨坐黃昏月上樓一鳥不鳴人跡絕乍聞天籟

似迎秋上同

盧兆龍清音樓次李宗伯韵兆龍香山人 都給事

百尺清泉兩岸峰層巖終日有雲封風前倚仗人疑鶴澗底吹簫聲作龍浪跡祇應隨故武薄游何處覓仙踪不因此日探奇賞誰

識山中有赤松上同

周一士清音樓詩上見

雲裏鈞天並奏林間衆籟齊鳴隱見緱山鶴馭時聞秦女簫聲上同

高魁清音樓詩上見

百尺發天機曠若蘇門嘯中有枕流人日譜華胥調上同

韓晟清音樓詩晟博羅人 官知縣

君是昭明身後身為樓日日倚嶙峋若非山水絃中見那解游魚

聽入神上同

清遠縣志

卷十六

亭臺樓閣

一四

鄧雲霄清音樓詩上見

巖樓不用買山金新構危樓面碧岑靜對飛泉鳴片玉如聽仙樂滿空林潺湲入夜醒塵夢浙瀝乘風和朗吟最愛禪堂鐘磬寂四

山猿鳥盡知音上同

韓上桂清音樓詩上見

巨靈手擘丹崖欹玉龍噴沫冰絲垂乘風散作千銀枝映日翻驚寶鑑批飛泉主人事幽賞選勝禺陽共俛仰倚巖特作清音樓日

對雪花大於掌漱石何如洗耳高朗吟端擬揚風騷竹爐鼎沸知

茶熟一啜詩情定轉臺峽志

李雲龍清音樓詩雲龍南人 海

溪流宛轉雙崖束一綫清湍迸寒玉峯頭古剎舊飛來老衲題詩

倚修竹蟄龍一去靈泉枯涼碧軒邊空綠蕪二禺帝子不可見洞

口猿商弔大蘇朱生早得邱中趣獨構丹樓佔雲住飛巖絕磴悄
無人山鬼來窺讀書處樓前夜靜天風發林響溪聲互相答琉璃
水面靈犀浮金鎖刮波寒戛戛朱生此時生遠心坐對澄江發朗
吟披煙每向瑤壇上步月還過珠樹林白雲隔斷紅塵路欲往茫
茫不知處却恐凌空羽翮成與樓一夕俱飛去上同

歐必元清音樓詩

必元大任
姪孫庠生

朝閣靄氤氳泉從數道分湘簾倚桂樹天樂半空聞響遏寒巖石

閒披古洞雲巢由如洗耳翻憶二禺君上同

清陳繩祖宿清音樓詩

上見

清音與帶玉同爲釋子室翼然列東西各向樹杪出推窗見南山
領趣妙無匹云何強區分是二還是一我從珠江來信宿早期必
清音淨擁衿帶玉坐終日彼此將無同於我無得失夜眠亦偶爾

清遠縣志

卷十六

亭臺樓閣

一五

戶牖較寧謐黃昏便來止趺坐還抱膝劃然軒楹開山氣漸蕭瑟
投林看歸鳥欲去轉如疾雲樹無定姿向晚更蒙密遙想舟中人
舉首羨豪逸彌勒雖同龕杯酒或破律終期汗漫遊何必婚嫁畢

何刻

關懷清音樓詩

上見

山音清以閔水音清以長樓與山水合客與山水忘

何刻

劉子揚清音樓詩

上見

小坐禪關百尺樓二禺風景豁雙眸盪胸雲水清於鏡不數蓬山

最上頭

上同

陳繩祖清音樓詩

上見

翠屏三十六欄楯肅清高巖壑生虛籟鐘魚動遠濤江雲縈坐榻

嵐氣濕征袍蘚壁題風景誰云異我曹上同

陳槐清音樓坐月詩

淮南邱人
韶州知府

淨境隔囂塵泉石自古色
阮俞逕早荒秋冷無行迹
枯僧聞茗留
掃榻維摩宅高牕翠影交
壞佛蘚衣碧林端木客
吟巖罅亂煙積
禪堂梵唄稀寒夜一燈寂
佇望更盤桓前山霽月白

同上

恭泰清音樓對雨詩

見上

山氣迷離水氣懸忽驚雷雨滿
江天樓中捲入千層霧石上
添來
百道泉妙對渾疑詩裏境
勝遊堪悟畫中禪僧房半
日留閒客收

拾殘雲好晝眠

何刻

史譜清音樓詩

見上

萬籟寂不喧高樓得靜契
時有步虛聲隱隱來空際

阮刻

郭志融清音樓詩

見上

山環水繞足幽樓到耳清音
迴不迷日暮憑欄却惆悵
滿林寒雨

清遠縣志

卷十六

亭臺樓閣

二六

竹離嘯

本集

天奎樓在城內衛東街明兵部主事白彬建為藏誥敕之所

中宿文
獻錄

綠雲樓在飛來寺後即今禪堂址

峽志

御書樓在武安坊白氏祠堂之後奉安神宗皇帝嘉獎都督同知白元潔之敕書御賜珍物六事及列代誥軸總督都御史熊題額曰與

國同庥

竺山
舊話

萬卷書樓在城內新街道光間遂安莫瑞堂建今廢

松菴
文集

藏書樓在學宮光緒間知縣和廷彪捐廉置書將鳳城書院後座闢

建

瓊苑
訪冊

東角樓在城牆上東南隅乾隆初知縣陳哲建光緒初知縣左璫修

城時重建內懸洪武鐘民國初年燬

禺山
訪冊

舍利塔在峽山寺北唐顯慶元年內史于榛斃街掘得舍利三顆光

映山谷遂以進上敕中使金輿本安奉中宿峽以鎮二禺山今廢張府

志唐徐浩詩云塔廟崇其巔規模稱壯哉徐浩詩集宋蕭固峽山詩云鐘

聲出峽口塔影落潭心是也輿地紀勝

謹按于榛為內史姓名今峽志作內史於臻斃街誤

明徐汝棻舍利塔詩汝棻邑人 邑庠生

佛老塵音杳莫扳空餘一塔倚雲間不知當日遨遊者幾見靈光

照此山峽志

鰲頭塔在城西飛水口明萬曆十三年永州通判鍾于田倡建以為

邑城下關水口之捍輔自乙酉年建而丙戌則鍾萬祿己丑則王玠

四年之間聯登會榜人皆謂此塔之秀氣鍾祥云光緒志 引碑記順治十一

年分守道陳贄重修康熙三十二年火知縣張象乾修復雍正七年

為颶風所毀十一年知縣夏崇謹修道光二十年動公項修紳士郭

清遠縣志

卷十六

亭臺樓閣

二七

志融謝純朱來章雷應時等董理咸豐七年二月毀於賊同志元年

動公項修紳士朱潤芳雷應時阮璧光董其事光緒志

明鍾萬春鰲頭塔詩見上

倚郭樓成控越臺蘿葱佳氣鬱誰開星連峽口雙洲見塔柱天中

萬頃迴虛宇飛紗籠佛閣碧梧棲鳳起雲臺枯株漫詫當年事伏

日暉暉忽震雷光緒志

鄒孟麟春日遊鰲頭塔詩孟麟邑人 庠生

寺門長枕一江深百尺浮屠過客吟便欲賦詩登絕頂正當啼鳥

有佳音柳垂堤畔青歸眼花發林間艷到心最是春雲無所着不

時飛去遠山岑同上

徐兆鼎鰲頭塔詩次鍾韻兆鼎邑人 舉人 官主事

海畔何年印石苔一尊遙向錦城開懸知九夏冰壺迥忽訝雙鳧

天上迴樓敞薰風問玉塵波脚新月出雲臺詩成鰲首應先兆眼

見晴暉迅起雷

同上

清郭鍾熙鰲塔晴煙詩

上見

巍然一塔勢參天矗起文峯障大川定有奇人鍾間氣常多瑞色

裊晴煙低籠密樹濃于染偏受斜陽淡欲燃擬賦凌雲閒眺望映

波奚啻筆如椽

竹趣館詩集

郭志融重修鰲塔落成詩

上見

一枝矗立大河橫閱盡滄桑世幾更忽放筆花飛海水全收佳氣

入江城雲間月照珠光動天半風來鈴響清今日振衣登絕頂便

窺空濶想飛行

本集

小市文塔在小市道光十年與鳳城書院一并重修咸豐二年夏忽

傾毀

寸草堂集

清遠縣志

卷十六

亭臺樓閣

二八

清向陽小市文塔詩

上見

雲際擁浮屠巍然挺風骨叔季忌孤高不能容傲兀獨力難久持
所以致顛蹶我聞人事闕山崩川亦竭又聞天降罰石言星亦沒
古塔鎮城南不知幾日月如朝有簪笏如家有勳閥一旦傾跌盡
變恐生倉猝故址偶經過中情殊鬱勃爲報有心人修省無情忽

寸草堂集

政江口文塔在城西二十五里濱江海口距鰲塔下八九里與之對
峙爲邑城下關之捍門形勢重要光緒十七年知縣何福海倡建此
塔並對岸文閣以振文風當由紳士邱顯禧朱潤芳賴子鴻陳元清
朱棟材黃崑熊吳元輝麥穎芳等勸捐於四屬共捐助銀三千二百
一十九兩又提義倉貯積緝匪花紅銀三千五百八十兩又三學公
欸提銀五百餘兩計建築文塔共用銀五千七百二十二兩餘建築

文閣及各項費用共銀一千四百餘兩合共費用一應支銀七千一百八十餘兩其數目已刻碑勒於青雲路碑記

譚時珍新建文塔文閣碑記

時珍南海人舉人鳳城書院院長

夫人才固望其奮興而風水尤資夫培補清邑地處北江山清水秀前朝名賢輩出科甲聯翩尙已邇來文才科第稍遜豈世運不同歟抑風水有缺耳楚南何鏡如明府以吏治才通堪輿術光緒戊子來宰是邑相陰陽觀流泉謂本城當建文塔以鎖下關立文閣以控中道則文運之興可拭目俟邑人聽其議爰聯合四屬紳士鳩匠庀材用葺厥事果於辛卯科文武並捷癸巳恩科文捷得非風水之說信而有徵耶今將勒諸貞珉請序於余余忝是邑書院講席三載於茲具悉都人士扶植人才維持風教罔不殷殷致意而邑中諸俊秀類能晨夕相切劑氣象方蒸蒸日上今復得風

清遠縣志

卷十六

亭臺樓閣

一九

水爲之培助不難媲美前朝矣余不敏不敢以不文辭因爲之志其巔末如左敕授文林郎壬戌恩科併補行己未恩科舉人選授開建縣訓導譚時珍拜碑存

文塔一在石角墟對面迴岐山上亦爲邑城之下關由三學管理泰階

訪冊

文塔一在迴屬大埔村伯文冊一在關前墟一在下岳村道光丁未建

一在瀝江帝田村叔平冊一在洲心七星岡民國十年建茂韶冊

文塔一在濱江珠坑魚磯廟上一在水東文筆嶺頂今子貞冊

迴清閣在鰲塔下張府志

準提閣在鰲塔寺今守謙冊

全清閣在峽山阮通志引宋熙寧癸丑寺僧妙實建邑令成之方撰

記峽志一在城內阮通志

光緒志云謹按府志及舊志俱云全清閣在城內似誤

謹按史府志云一在峽山一在縣城內則兩處俱有不誤惟峽志云邑令成之方撰記攷通志職官表祇有陳志方峽山志誤陳爲成音相近也

宋李昉英峽山全清閣詩

見上

無塵明鏡太玲瓏匣向周遭紫翠中地有仙家雲母石天然上界水晶宮通宵如畫溪頭月盛夏回秋竹罽風萬斛客愁俱盪盡一杯聖酒畫欄東

阮通志

謹按峽志引此詩匣向作峽迥如畫作如畫聖酒作清酒今從文溪集原文改正之

圓通閣在峽山明弘治重修

鄭積中修志記

夢清閣在鳳凰臺舊縣署後明知縣孫麟建

史府志

清遠縣志

卷十六

亭臺樓閣

三

明孫麟夢清閣記

麟鍾祥人邑侯

傳稱清遠福地謫仙居焉余凡骨也何緣居此然根器稍近故每於俗世厭棄之地魂夢偏嫗就焉疑有神授也耶余幼讀書梅花塢誅茅小結額曰鸞嘯齋蓋倣吾家蘇門逸韻云已通籍領篆稽山殊無可快惟鑑湖禹穴差不類人間縣署舊有清遠樓每公餘憩息覺蔽山送翠鏡水照人自以不減曩時鸞嘯齋梅塢也偶癸酉除夕夜夢御居清遠樓中坐一佛四圍山石巒岬泉竹穿響頃出一小沙彌捧筆索題余造次占一聯云人言遠僻官堪謫予道清涼佛可都醒來以語史山人山人曰明公異政其生佛東土乎余笑曰或恐是意外遷謫之讖也未幾果以忤時局中人議調余逡巡再歲始補官且不欲集于苑以深時忌也乙亥秋果補清遠缺客有嘲余不擇地者余以夢中語謝之曰神已先告矣主爵者

亦何權哉厥明粵中師友輩過余邸慰之曰君毋厭薄清邑也中宿名峽爲十九福地金芝珠草犀鎖猿環靈傑奧區佛子之所夢而遷也君若欲明珠犀貝則無事清遠若欲飲沆露佩畹蘭步退之子瞻之芳踪而銷白雲蒼狗之幻相清邑又何多讓焉余旨其言且驚舒州之夢與稽山之夢是一是兩神耶鬼耶峽中大士招余爲吏隱也耶遂浮湘渡蠡度庾關竭來而爲之題曰大士已招星斗峽宰官若變水雲居因剏一閣爲之紀夢清始末並以志余之夢醒兩境俱不與濁土作緣也

光緒志

御書閣在水東村清遠衛知事白西緣建以奉藏成廟欽賜其父廷用之御製詩軸白日晟重修以貯世宗御賜敕書總督談愷題曰永

鎮山河

中宿文獻錄

琴心閣卽清音樓故址上爲閣窗開四面林木交翠下爲亭前爲臺

清遠縣志

卷十六

亭臺樓閣

三

寬平可坐百人環以石欄花坪明總制張鏡心建

峽志

清夏雲琴心閣詩

見上

傑閣倚高岑泉聲響玉琴斷紋苔蘚合孤軫綠苔侵不復經絃指如聞訴古今鍾期久不作千載少知音

峽志

尊經閣在學宮明知縣林繼賢建

倫氏遷學記

今學宮書院後亦有尊經

閣又名藏書樓知縣和廷彪捐建以爲藏書之所

首寅訪冊

莊嚴閣在濳江下岳村明朱學熙建爲其母蘇孺人事佛之所

朱叔子別

傳

觀音閣在峽山

峽志

奎光閣在對岸乾隆二年知縣陳哲倡建與鰲塔對峙

光緒志引舊志

清陳哲奎光閣迴瀾廟記

見上

清遠脉接衡陽羣山萬壑蜿蜒而赴至花尖大小帽諸峰倏而蒼

莽平衍邑城踞焉洌水衿其前七星大龍層巒環抱紫翠深聳如
挿笏焉蓋志所云福地者也王漸逵謂人物充盛視如中州亦其
形勝有可憑歟乙卯予宰是邑攷閱往昔竊怪其國朝以來山河
如昨而衣冠文物大異所聞及以巡歲故往來河涘而後知沙水
之變態實古今之不同也尸子曰玉水方折珠水圓折水而不折
珠玉絕產而况鍾於人乎今滇江滙於溱湟一出峽門萬派奔瀉
繞城而西去不可挽風氣之缺此爲較甚是不可不有以培之也
越丁巳乃集紳士倡捐卜地鳩工建閣於邑城之坤位以爲西捍
閣凡三層窻櫺八面上挿青漢下俯碧波顏曰奎光與鰲塔鼎峙
夾河而競秀焉夫鰲塔者亦以鎮水口也考其建之之日一時會
榜鍾王並登而靈秀不長後難繼響亦其勢孤耳茲建閣以並之
譬之一身昔者右臂榮衛其左不無萎痺今則血脉均調元氣流
貫亦豈有不天道回而地靈効者哉雖然奔流迅駛至此一束恐
猶有未殺之勢可若何復度於閣下半里許立廟以轉之奉祀
文武二帝總以收縣治來龍之翠名之迴瀾蓋迴狂瀾於旣倒而
瀦者潑抱去者盤桓其諸有金陵特朝之象歟昔人以清遠幽勝
甲天下今而後真無愧矣宣邕人文彪炳寰宇吾拭目俟之或者
謂閣下廟旁須多種林木使一帶長堤菁葱拱護又築塞崩基以
斷穿割斯言誠善惜予奉調且去身不及爲姑記之以待後之有
心者

心者

光緒
志

奎文閣在陷河乾隆十九年知縣王玠建

阮通志
張府志

觀音院在清遠峽盧肇有詩

阮通志
輿地紀勝

唐盧肇題清遠峽觀音院詩

肇字子發袁州人集
賢院學士知歙州

清潭洞澈深千丈危岫攀蘿上幾層秋盡更無黃葉樹夜闌惟對

清遠縣志

卷十六

亭臺樓閣

三三

白頭僧風入古松添急雨月臨虛檻背殘燈老猿嘯狖還欺客來

撼窗前百尺藤阮通志

岳麓書院在下岳朱士諒建以為課子侄處兩岳氏族譜

十九峯書院在峽山淙碧軒側明朱士讚建朱氏族譜

明朱學熙題十九峯書院詩見上

人去石壇荒當春瑤草芳雲連峯作構磴盡石為房流輩生何益

名山死不妨飛泉盟自在長與瀉琳瑯峽志

清陳淮夜霽步十九峯書院即事詩見上

書堂隱疎林黃葉積不掃尋詩涉澗橋散步長廊好崖深晚更幽

泉逼寒愈早萬籟淨秋心微雲瀉木杪山鵲夜還鳴薜蘿風嫋嫋

何刻

竺山書院在城內衛東街明兵部員外郎白彬建為講學之所後其

清遠縣志

卷十六

亭臺樓閣

三三

孫鄉賢白璿繪先師吳聘君像於此陳文恭題額曰穆如春風李輔

有碑鼎革時燬中宿文獻錄

禺山精舍在峽山峽志

明黃士俊禺山精舍詩士俊順德人狀元及第大學士

山齋爽氣八空浮却倚飛來最上頭卷幔坐看青嶂合杖藜晴對

白雲流興來作賦霞偏綺臥聽流泉思更幽祇恐燕臺須駿急龍

媒那得久淹留峽志

淙碧軒在峽山瀑布左宋寺僧壽公為蘇東坡建者額亦為蘇公手

書久廢明泰昌間朱學熙復建前為茗臺峽志

明高魁淙碧軒詩見上

峨眉山月高遠照山靈叱曠哉百世士千秋對凝碧同上

清陳淮淙碧亭雨中觀瀑詩見上

孤亭深翠裏仄澗繞雲根百道飛泉迸寒聲徹曉昏竹雞啼不歇

清思動吟魂欲吸千巖瀑詩脾和雨吞何刻

陳繩祖涼碧軒詩見上

帆影掛江色鐘聲來水雲孤亭審遺構涼碧失前聞松暗驚濤冷

山青野燒分定知猿鳥意猶自戀斜曛何刻

林伯桐涼碧軒詩見上

天風吹不斷飛灑盡琅玕檻外千山碧軒中當午寒阮刻

程德潤涼碧軒詩德潤天門人道光廣東副主考時

一碧琉璃界懸巖看瀑飛澗邊松籟合洞口藥苗肥潤欲侵苔字

寒先透葛衣在的清徹底坐久頓忘機阮刻

黃培芳涼碧軒詩培芳香山副貢生內閣中書乳源教諭

空際鳴琴筑清冷滿一軒無勞登眺苦閒坐水雲邊壁蘚青疑滴

清遠縣志

卷十六

亭臺樓閣

三四

巖花紅欲然到江仍不濁莫笑出山泉阮刻

郭志融涼碧軒詩見上

萬樹濤聲吼雲綠一絲日影挂簷黃捫巖試吸寒泉水不信人間

有熱腸本集

郭鍾熙涼碧軒詩見上

樹枝作龍拏噴泉飛珠瀑三伏無炎曦寒侵肌起粟焚草詩

靜來軒在峽山峽志

清僧大汕晚坐靜來軒詩大汕字石濂飛來寺中興祖

小却青山裏溪光斷復連蟬鳴新雨後人坐晚涼前芳草黏霄漢

斜陽散晚田鵝羣渾不顧欲伴懶殘眠峽志

研雲館在峽山峽志

明韓日纘研雲館詩為朱惟四賦見上

端溪拳石亦生雲
雲霧繇來澤豹文
藻氣揚芒渾不散
垂天羽翮

得如君

韓文恪集

韓上桂研雲館詩

見上

日烘香爐峰輕煙低入研
點筆佳句來霞光飛片片

峽志

期雲館卽研雲址

同上

明李孫宸期雲館詩

孫宸香山人翰林官尙書

聞說幽棲峽裏峰到來
三徑碧雲封疎林時見窺
人鳥古洞空歸

說法龍兩度經由成浪跡
十年朋好恨萍踪知君尙
有凌雲賦此

地留將伴赤松

同上

演武堂在城西二里

阮通志

明李文鳳九日登演武堂出詩
征安南詩

文鳳慶遠人時任兵備道

金風下西極佳節逢重陽
乘時振軍容獨登演武堂
喏聲沸江水

清遠縣志

卷十六

亭臺樓閣

三五

劍氣明秋霜遠視鷹隼飛
仰觀黃鵠翔丈夫生逢時
剛志在疆場

誰能作雌伏淹此歲月長
會當提雄師隻手縛峰上

光緒志

玉笑堂在峽山朱叔子建

禺山訪冊

明黎遂球禺峽山中人朱叔子
玉笑堂成來書索詩云玉笑
之意

不求甚解然予作詩正不必
此詩真足相當也率爾報之
二十韻

見上

白石行歌自可思惟君玉笑
我能知天高有客投壺過
月冷何人

捉塵宜騎鶴吹笙調子晉投
瓜曳舄戲安期棊心喜躍
初輪夢山

色玲瓏互放眉環繫峽狽
聊破涕霜侵木客跳吟詩
將因鳳叫彈

瑤瑟絕勝塵來擘荔枝佩有
香蘭弦語細爐供兔藥樹
聲遲露桃

勻碧低敷臉墨藥舍毫盡解
頤洞裏素書傳舞劍堦前
屐齒折觀

棋寧如罷席唉雙斗可有占
璜掛一絲蛟斷過河心亦
壯龍寧濺

血膽雖奇畊藍盡是傷三別破褐何妨慰五噫萬卷築城訓什襲
三珠爲樹亞參差溪雲學水敲冰聽泉眼流波入茗嬉瑒却媧天
娛老熊雕成郢雪快吟姿暈籠銀燭銷煙淚疊憂琅玕未粉疲好
下晶簾媒蛺蝶豈如曇鉢吠琉璃象王定與拈花會下土何勞刻
葉疑莫逆相看攻石意往來珍重過溪時緘書偶亦堪瑠報或稱

磨圭三復詩

運鬚閣集

運籌堂在嶺南整飭兵備道署內

光緒志引舊志

明吳廷舉運籌堂詩

廷舉梧人官至尙書時爲僉事

退食堂成扁運籌後生何敢擬前修深居默坐非無念高棟層簷
不貯愁兵馬數常留袖裏米鹽包亦上心頭遠臣豈愛閑勞攘南

顧思分聖主憂

同上

涵碧堂在峽山

峽志

清遠縣志

卷十六

亭臺樓閣

三六

山暉堂在峽山明萬曆己未朱學熙建以祀峽山神靈佑侯初靈惠

侯武及蘇東坡安昌期諸公

峽志

明韓晟山暉堂詩

見上

祠道鬱紆迴前賢俎豆開桂枝春日長葺藻客能來齋供分猿果

詩題雜蚪苔露壇時一眺天地此樓臺

峽志

朱學熙山暉堂詩

見上

眞宰不絕秘山堂開絕壁懷哉諸名賢明月酬空碧天風下瑤臺

滿地雲狼籍

同上

清關槐山暉堂詩

見上

初武何年客從行更不歸蕭然在中露只得抱山暉

何刻

史譜山暉堂詩

見上

深谷兼喬木白晝日光微靜坐虛堂上林石自生暉

阮刻

帶玉堂在峽山舊爲大雄殿康熙時平南王改建背山臨流檻外短垣俯視風帆上下朝暉夕陰波光螺黛天然入畫足稱名勝大觀僧興隆顏曰帶玉峽志

清王惠帶玉堂對月惠花縣人州同知

明月浸青山浩色莽今古羣動寂無聲禪誦停鐘鼓長河檻外流活活時吞吐當年讀書人曾此滌鉛素啼猿夜不歸棲鶴驚高樹

峽志

孫繼祖帶玉堂覽勝詩繼祖邑令繩祖弟

不減東林勝山高曙影微曉風吹霧散峽水帶雲飛我愛尋幽趣誰同戀夕暉息帆帆又挂明月笑空歸峽志

孫可佩帶玉堂卽景詞調臨江仙上見

青螺夾岸水環流凌晨氣爽于秋捲簾極目與天游江山入畫裏

清遠縣志

卷十六

亭臺樓閣

三七

雲物一堂收細鼓松濤風正好帆飛無恙扁舟數聲漁笛度花

洲暮鐘來樹杪新月挂峰頭同上

關槐帶玉堂詩上見

滇江屈曲來一帶水蒼玉玉帶鎮山門對之誰雅俗何刻

許慶宗帶玉堂詩上見

獅座耽幽閒經堂謝來客山環萬龕青秋凝一灣碧寺僧晚畏虎梵放鍵櫺格何不檄山靈驅使遠屏踪何刻

劉子揚帶玉堂詩上見

峽水西來似帶橫可移情處卽文生坡公屐到堪留玉構得虛堂

錫令名何刻

陳繩祖帶玉堂詩上見

言陟西峯寺平開帶玉堂曉雲深樹色秋雨淨江光龍護經壇臥

花迎屐齒香丹青磨滅盡無處問蕭梁上同

汪新帶玉堂詩新仁和人時任廣東學政

勝地何年關中涵萬象虛江光收眼底嵐影護巖居客子回帆鼓

高人採藥鋤閒忙隨世界跌坐契元初上同

翁方綱帶玉堂詩上見

南峽峽皆山北峽峽則寺東西峯多少入寺渾不記因借北峽戶

時看南峽雲三十六翠屏有時鐘磬聞風吹七灣竹遂想二禺君

玉鏡綠玻瓈萬頃鞞縐紋寺僧仍留客金碧看夕曛上同

史譜帶玉堂詩上見

水因山勢轉折處卽成方白虹吐靜夜流影上虛堂阮刻

程德潤帶玉堂詩上見

一帶環蒼玉虛堂面面開清言識鐘磬倒影見樓臺引客登仙刹

清遠縣志

卷十六

亭臺樓閣

三八

呼僧埽石苔江山憑一覽此地卽飛來阮刻

郭志融帶玉堂詩上見

堂前流水去潺湲堂上微風動法幡良久木樨香裏立青山對我

總無言本集

政事堂在縣署東曰澄心堂西曰資善堂乾隆初知縣陳哲建光緒陳志

碑 哲

青林草堂在朱氏園內明朱學熙殉節處史府志陳邦彥戰敗退入朱

氏園見學熙縊拜哭之旋被執卽是處也明史陳邦彥傳

賓興堂在學宮內明正德間士紳鍾聲宏陳理楊亦芳白華李仁王

綱游漢陳浩川等釀貲爲會以資助士之應試者建堂於學宮內以

誌其事增貢白榮爲序豎碑於此明末燬於兵燹竺山舊話

集雅堂在瑞峯明粵自倫梁聯登大魁後羣皆觀感而興于是絃歌

之聲遍于僻壤知縣張欽鍾通守龍見建堂定月課之法故風雅之士更萃集焉宿儒白榮孔煦李沛等編其月課之尤者爲鳳臺詩選梓行之後此列前茅者獎給一書云

白氏奕葉傳芳集

至靜堂在峽山

光緒志

清吳應芬至靜堂詩

應芬歸安人兵部侍郎廣東學政

絕磴懸崖不可扳古堂隱細亂峯間明知有動不如靜何苦飛來

佔此山

光緒志

直指堂在飛來寺東

禺山訪冊

清李調元直指堂詩

元巴縣人廣東學政

大抵峽中境全收直指堂樓開山色入座納水聲長樵擔林中影漁燈樹罅光今宵渾不寐雲臥濕衣裳 禪堂燈一盞萬慮此俱空念佛蛇吟洞驚人虎臥叢松聲長似雨山響不因風悟到明心

清遠縣志

卷十六

亭臺樓閣

三九

處前潭月在中

何刻

韋氏園在帝子祠下臨江處

峽志

唐韋宙帥南海時每至其處則慕樂

耽隱

張府志

以俸錢買菜園於此

南海百詠

治爲園花果繁茂

峽志

自名爲韋

氏園林

阮通志

至宋時韋氏園親書帖尙在峽中廣慶寺

南海百詠

宋方信孺韋氏園詩

見上

韋郎故苑久蕭條只有泉聲響夜潮行客幾經回首處玉環無地

覓嬌嬈

南海百詠

清郭志融韋氏園詩

見上

鬱鬱寒谿長白茅離離野菜滿山坳韋園臺榭無人識古木斜陽

落鳥巢

本集

方伯園在城東黎璿建

中宿文獻錄

光祿園王玠建在城西

同上

東臬別業在城東生員白無瑕黃河清處士白超藩均有東臬別墅

十景詩

中宿文
獻錄

明朱士諒建卽今花廳是也

朱叔子
列傳

朱詹事草堂在城中池沼亭臺最爲幽緻

中宿文
獻錄

謹按朱詹事卽士讚草堂卽青林草堂也

補園御史郭儀長建在下郭后街由蘇浙工匠營建內有百戶百牖
欸式各異亭樓池沼極精緻工巧乾隆間爲粵省有名之園林惜咸
豐時遭兵燹燬王省崖相國額曰補園

焚餘
詩草

清陳在謙郭氏園記

在謙新興人
舉人邑教諭

余始至中宿僦居下廓鮮往來耳目之觀高要梁桂村考廉以同
郡舊識時相過從一日攜余遊郭氏園未嘗白其主人也園有亭
有榭有池有山有橋梁位置一一類有道者結構梁君曰豫堂侍
御之所爲也越日郭君駕舫過予於是始識園之主人又越日敬

清遠縣志

卷十六

亭臺樓閣

四

大令召客予與駕舫皆在共談園中之勝選日爲雅集披襟登樓
二禺諸峯出沒雲際與園中遊客隱花背樹相比數也是日飲酒
甚樂三鼓始散然予時時不能無疑以郭氏之財之力不難廓而
大之顧因仍舊址且於樓臺之廢者修之不加飾陳焉者弗新如
先人之締造何間以此意詢之駕舫駕舫曰先君築此以娛老門
闌交疏體式皆自爲之大人先生度嶺來者與先君識不識皆來
遊以是爲樂先君捐館舍群從兄弟以仕以耕皆不暇及予雖投
閒家居而不欲更飾以防吾子弟之侈也予聞而憬然悟愾然而
歎曰善夫君之言矣往見世家巨族其子若弟習於貴遊舍其德
行道藝學問文章而求美於宮室臺榭花鳥草木之觀飲食衣服
之美賓朋筵燕杯盤之具享其成者旣易爲力而數見不鮮必求
所以勝之炫奇鬪巧之習日進而不止至於繁華極而寂寞隨之

然後知侍御君之所以貽謀者深且遠也駕舫侍御仲子始貢明
經教龍川學尋以軍功擢山西襄垣令告養歸遂不出其內行大
有足觀者因爲之記以貽之

七十二峰
堂文勺

郭志融補園詩

上見

抱江城半段天割入丹青一水游浮閣千山到戶庭同途迷去影
異樹接來馨疏傳歸休處風流滿耳聽 舊時延月榭當日餞春
臺漸覺芳菲改何能笑語來履痕憐細草手澤拜寒梅老僕猶親
憶花前數舉杯 藤纏將墜石水泛欲枯槎敢折先生柳空飄孝
子花過橋驚野鶴穿樹礙巢鴉向晚扉空掩無人夕照斜 誤却
來遊者時時更問津不堪行酒地已見種瓜人老樹嬌花發空塘

賸水春漫勞廢園記吟誦一傷神

郭觀察
詩集

郭鍾熙和桂生孝廉補園詩

上見

清遠縣志

卷十六

亭臺樓閣

四一

補闕當年事繩其厲意深采蘭饒雅詠鳴鳳賞遺音花外千章樹
尊前百衲琴鍊餘文石古磊何絕疏林

焚餘
草

藹西園在捕屬百嘉村向孝廉陽建有養餘山館德馨室桂花軒八
角亭又一村聽雪門諸勝

寸草
堂集

清向秉猷西園雜詠詩

秉猷舉人
陽子

芳塘廿畝竹千千小住人家已有年最愛深林叢綠裏鳩聲喚徹
杏花天 奇書古畫兩縱橫日倚南窗細品評偶聽雁聲來得得

忙開花徑故人迎

睡餘
草

學圃在水東村白茂園建有池沼亭閣之勝當嘉道間濱江園林以
白氏學圃及石馬溫其瑛石獺閣之花園稍爲幽雅迴屬馬鞍岡林

氏亦有園林之勝今皆毀矣

職思居
類稿

藥圃在城內衛東街何尙書題額曰將軍藥圃

中宿文
獻錄

明鄭露白將軍藥圃記

上見

清遠城東北隅衛東街有將門坊坊內有灌園爲國初白主政文甫公退休之所也此後世載其德擴而大之園中爲白氏家廟左爲竺山書院右爲天奎樓臨於天湖之上前瞰雉堞後倚衛堂近而菱塘杉岡瑞峯筆架湖光山色青入簾櫳遠而洌水禺山鳳臺鰲塔景物明媚軒豁畢呈洵稱幽境而天奎樓也桐槐馨逸花草精神東曦映寸碧常秋南薰徐來一池皆縹上下掩映晨夕異尤爲園之最勝且中藏列代之誥軸及神皇帝之敕書並御賞珍異各種名流墨妙玉軸牙籤插滿鄴架恣其搜討與樓外之柳波瀾灑竹韻悠揚同足爲娛耳目澡淪精神此正士佳人所以每厲作攷槃之觀邑有名園數所城東則有黎氏方伯園城西則有王氏光祿園城東北則有朱氏東臬別業而城中則有朱詹事之

清遠縣志

卷十六

亭臺樓閣

四一

草堂池沼亭臺結構最爲幽緻尙書象岡何公素邃於禮昔年邑之士大夫迎其易建學宮之規制初主朱詹事所公固好遊恣行遍覽時指揮使白燦玉先生文采風流一翩翩佳士也因延之園何公以山水在目具城市山林之慨竟推爲各園之冠並題將軍藥圃以額之蓋以先生世著武功故公以楚將軍白公善之忠義勗之也何公用心良厚哉然先生性豪宕尤好客具文武才投戈之餘卽糾士人開壇吟讌時譽籍甚凡騷客過者必主其家以其性之真也情之摯也其必能篤守忠義之家風而克副何公之所勗也可預斷也茲當上己辰與陳集生黎美周屈泰士黎翰臣王濟川李相如僧寂可諸公共爲飛來之遊道出清城陳公與之有故爲先生所招邀相與讌吟於園者累日時也節序清和花明景麗壇坵高開詩酒酌酢一詩貢奇萬花皆笑興高采烈賓主胥

樂焉陳公謂盛會難再歲月不居不可不序以志鴻雪因屬露爲

文綴於貞石崇禎年月日中宿文獻錄

李家莊在峽山茂林峯下寬平數畝中爲塘爲園爲精舍邑處士李

濱隱居於此峽志

萬壽宮舊在署前街後圯道光時歐應如等發起募收不果遂將觀

音堂爲祝釐之所劍花詩集

懷賢亭在瑞峯寺張阮志今廢史府志

流雲奏玉亭在峽山琴心閣下峽志

大觀亭在覽岡張阮志今廢史府志一在清遠西北臨漢峽之陽方輿紀要

明楊逢春大觀亭登高詞調寄滿江紅逢春同安人任兵備道

薄催霜碧空豁飛鴻斜度九日御風絕頂下看塵宇膝閣芳筵牋

筆妙龍山勝踐旌旗駐料山靈也要可人遊成佳趣 吹帽墮差

清遠縣志

卷十六

亭臺樓閣

四三

千古題字非吾侶卻坐閒看得賁茶桑苧萬里寒雲迷北斗望遠

峯夕陽頻西顧且滿浮太白送黃花劍休舞

處遠亭在舊察院今廢光緒志引舊志

明湛若水處遠亭詩若水增城人尚書諡文簡

青山擁臺端新亭何翼然長橋臥寒波清池滙門前築者吳季子

伯夷所鳩孱江湖孰云遠覆幬同一天旭日下亭階頓首重致言

願垂中天照蔀屋見顛連我欲將此屋化作千萬間徧庇流亡者

舉目皆歡顏光緒志

謹按黎錦吳公松記東湖吳公爲僉事起弊作新處遠有亭云

云則亭爲吳廷舉所建故甘泉詩云築者吳季子也然詩云徧

庇流亡則亭不應在察院內且舊察院卽今大觀街與甘泉翁

詩長橋臥波清池滙門及青山擁臺之形勢不符舊察院殆按

察院之訛也嶺南兵備道署在北門兵備道之本職爲按察司
僉事亭建於按察院附近無疑矣

南薰亭在南門口清初紳士建捐阮通志

飛練亭在峽山嶺南題詠集

清周光錫飛練亭詩光錫廣州貢生

百丈飛泉下翠巒孤亭爽氣到憑欄吹來半壁銀河水瀉出長天
碧海瀾五月炎蒸過鳥道千峯暮雨起龍蟠玉毫曾入長生殿此

地虛疑近廣寒題詠集

御箴亭在舊儒學今廢光緒志引舊志

同心亭在衛堂後今廢同上

燕譽亭在兵備道署今廢同上

宏覽亭在文昌宮後今廢同上

清遠縣志

卷十六

亭臺樓閣

放生亭在峽山韋氏園址久廢峽志

表忠亭在南門街左明天順七年猺賊陷城清遠衛總旗黃明方中
白珍柏香陳世泰衛兵白佐等八十八名民壯二十四名皆接戰陣
亡衛總旗白宗信倉大使白宗義宏治初剿賊戰死後都御史熊總
督奏予卹典並給公帑共建一亭彙題銜名於亭上其庶民遭艱者

數百人亦附志於此中宿文獻錄

綠雲亭在飛來寺觀音閣後張阮志

謹按禺峽山志本作綠雲樓此作綠雲亭疑卽一處

伴月亭在峽山峽志

清僧大汕伴月亭詩見上

曲磴紆迴上黃藤抱短墻亭高浮黛色風細雜花香清磬沈山谷

鳴泉帶草堂形骸亡物我談笑共徜徉峽志

嘉會亭在峽山寺東偏登古剝初級也松石夾道別一境界武林沈

時焮建平南王修志 峽

明沈時焮嘉會亭落成詩時焮武林人
官衛經歷

最羨禹陽勝誅茅小構亭簷端長積翠屐底盡浮青一水明于玉

羣山展作屏天風吹短袖宜醉亦宜醒上 同

鄧雲霄嘉會亭詩上 見

雲擁階級石作屏洞中嘉會有新亭幾年風雨分龍劍此日東南

聚客星天地一區同逆旅弟兄四海總浮萍無遮大會元寥濶爲

報山門且莫肩上 同

葛仙亭在峽山阮通寺西嘉靖戊子重修志 峽

明歐大任葛仙亭詩上 見

海上元無宅山人半帶霞羅浮多石髓勾漏有丹砂弟子羊爲石

清遠縣志

卷十六

亭臺樓閣

四五

仙人棗似瓜飄飄九芝蓋光緒志
作芝盡出入五雲車山精時照鏡木客

日餐花虛駕那能度懸壺卽是家上 同

半雲亭張府志誤
作半雪非在峽山半阮通元天歷間寺僧明顏創禹峽
山志

明張鰲半雲亭詩鰲南昌人
官左參政

帝劈靈山玉半開滄江委蛇白虹來蛟潭蜃霧何年起幻出金仙

萬仞臺峽志

歐大任半雲亭詩上 見

飛亭白日下靈氛紫障前鷄犬疑淮市樓臺現海邊洛水陳王賦

巫山楚客篇稍昏彤葉卷欲曙白衣鮮縱能成變幻何處下羣仙

上 同

吳廷翰半雲亭詩上 見

聊乘一日暇行上半雲亭雲乃在樹間霏霏如畫屏雲色向我白

樹色向我青雲樹原無心往來自成形我偶與之會坐玩日已暝

雲樹一為別山間風冷冷同上

劉台半雲亭詩台四川人布政司參議

登磴不見人但聞櫓聲響板椽憩半雲月挂藤蘿上同上

趙善政半雲亭詩上見

遙望半雲亭我來雲半開近天應尺五雲日共徘徊同上

清高斐半雲亭詩上見

半入青霄半倚山半臨仙境半塵寰小亭只合雲留半也得人來

半日間刻何

關槐半雲亭詩上見

白雲偶垂天下覆尺有咫俯視更無雲蒼山淨如洗刻何

林伯桐半雲亭詩上見

清遠縣志

卷十六

亭臺樓閣

四六

雲行山亦行山停雲自停偶來亭中坐雲山盡瓏玲刻阮

史譜半雲亭詩上見

嵐氣蒸靄黷青山半是雲倚山抗層構雲勢自平分刻阮

半山亭即半雲亭址明知縣孫麟重修清邑令孫繩祖以半山不雅

馴因仍舊顏志峽

清何元半山亭詩元本省人雷州協左營守備

萬綵叢中天宇開孤亭突兀倚巖隈驚禽帶葉溪邊下飛瀑如雲

樹杪來疊障月斜雙道迥上方鐘動六塵埃林泉已足窮幽賞且

任蘇門一笑回集題詠

孫繩祖半雲亭詩上見

半雲亭在山之半雲氣氤氳飛不斷瑤草芊芊繞畫欄奇花灼灼

凌霄漢閒來覽勝憩亭中想見當年仙令風一嘯飄然由物外登

峯造極興何窮

峽志

歐觀祥半雲亭詩

上見

凌風拔絕頂漸覺出塵氛亭聳連雙峽山椒截半雲風迴長杳渺
日落更氤氳誰識無心處能將色相分

同上

王士貞半山亭詩

上見

雲確水自舂松門風爲關夙愛老坡句幾載思禺山何意萬里游
兩脚墮孱顏苔碣不可見定水猶潺湲宴坐半山亭下見凝碧灣
榕根如獐龍怒攫青崖間日午竹雞啼濃綠排烟鬢我行窮祝融
何時來復還

光緒

李煥半山亭詩

煥邑人
庠生

亭然一檻烟霞裏半挂危峯石作梯杖倚磴邊行尙苦路逢高處
眼須低詩題峭壁難終句鶴帶橫雲未穩棲要挹天風纔幾步下

清遠縣志

卷十六

亭臺樓閣

四七

方鐘磐隔雲泥

峽志

關槐半山亭詩

上見

下半山已崎上半山已矗此亭聊復停此足未曾足

何刻

劉子揚半山亭詩

上見

摘勝尋幽恰半山小亭結在白雲間藥藍只近燒丹穴莫道雲深

覓路難

何刻

史譜半山亭詩

上見

雲峯出奇姿澗水無絕響攬勝歸一亭怡然快俯仰

阮刻

郭志融半山亭詩

上見

倚石扳蘿取次登山腰亭子漫相憑一聲長嘯羣山響已出塵寰

第幾層

本集

挹泉亭在峽山

阮張志

定心泉左明御史王德溢建

峽志

明吳文華讀外文巡台王十竹詩並覽所建挹泉亭詩有感文華連江

人官至
尚書

昔年按節乘驄地此日行旌駐鷓時夾岸江流還滾滾半雲亭草
自離離巖頭松老能飛夢洞裏猿啼可任思一挹清泉千古意誰

磨石勒峴峴志勒峴
誤竹硯山碑光緒志

黃佐尋鐵壁泉源謙挹泉亭次王十竹韻見上

雲構初成風籟清翠寒當戶接流聲禺陽鳳竹自秋色趙叟魚台
空月明鐵壁長年鏘玉佩滄江終日駐霓旌酒闌更覓飛來蹟直

上蓬山絕頂行泰泉集

龔雲從挹泉亭詩雲從知州
莆田人

清泉清可挹不厭月相侵借問源頭處流來萬古心峽志

抱樸亭在峽山即葛仙亭清邑令孫繩祖改題曰抱樸峽志

清遠縣志 卷十六 亭臺樓閣 四八

明吳廷翰葛仙亭詩見上

登山探奇勝歷境稽仙宅山人爲我言上有勾漏蹟世遠語茫昧
人稀徑危折開言動遐想凌風挂山幘藤蘿蔓衣衿牙磴刺胸臆
目眦決雲霄毫端響松柏丹竈忽隱現何許覓踪跡但見百尺藤
挿此萬仞壁力倦藉豐草而或作磐石坐此不能去拂拭仙翁席
起行捫蒼松如見古壇額漫滅不可讀依稀辨形畫乃知事不訛
流傳自夙昔我聞仙君術曾不事黃白丹砂凝胎元黃金生肘腋
功德崇累生空山練魂魄一爲煙霞人迥與塵宇隔我生逢大還
迺是真仙脉若人能啖之其甘如玉液千載注紅顏虛空生羽翮
仙君知我言如聞擲飛錫望之不可見四山翳蒼碧倏然萬年清
焚香展周易

清孫繩抱祖樸亭詩見上

怪哉抱樸子到處便燒丹此石留仙蹟今人景葛壇天空容嘯傲
海濶任盤旋欲訪成蜂術何時得桂冠同上

鳴琚亭在峽山阮張志

振衣亭在峽山光緒志談經石左倚石臨江林木葱鬱俯瞰釣鯉臺

下檣影如織大有振衣千仞之勢峽志

明韓日纘振衣亭詩見上

獨上乾坤一草亭振衣千仞入窮冥仰空長嘯真孤絕只有天垂

四面青同上

歐必元振衣亭詩見上

古剎自何年孤亭鳥道懸春花開絕澗秋月瀉寒泉中佇區中覽

還超象外天敢言堪濯足千仞白雲邊同上

周一士振衣亭詩見上

清遠縣志

卷十六

亭臺樓閣

四九

蓮瓣千重錯落芙蓉萬疊龍薩荔飄殘雲岫霓裳舞亂天風同上

張應申振衣亭詩應申東莞人舉人

千仞不是高世界了無碍試來一振衣天風在環珮峽志

羅晃振衣亭詩晃南海人庠生

高情壁立風塵外直上崇岡結草亭天際振衣空翠落簷前岸幘

凍雲停隨時景物堪圖畫向晚疏鐘乍杳冥不貴不仙情未已世

人漫擬少微星同上

載筆亭在南禺鐘樓舊址峽志

明黃士俊載筆亭詩見上

勝域構爲亭名流長載筆五色燦江花千秋照雲日同上

清徐喆載筆亭詩喆山陰人官縣丞

百花洲上花非舊載筆亭前筆又新題遍青山渾不厭滿江明月

照迷津同上

喜雨亭在金芝巖阮張志

清孫繩祖重建金芝巖喜雨亭記見上

去城十五里有金芝巖明萬曆中邑令蘇郭二君禱雨處也四山繞如環而取徑阡陌不容旋馬度危梁涉清溪幾歷險仄始達巖巖東向有洞緣洞而下左折入小洞石隙流金沙烟爍奪目然堅不可攬志載洞產芝得毋類是由此盤折抵中洞廣可數畝奇峰倒插峭削嶙峋巖乳滴石成坎噴沫瑩潔似玉復右旋至一洞頂石平砌可梯而登俗呼觀音閣乃循故道入後洞更幽邃可喜石燕驚起紛然欲剪人亟趨由中洞出蓋中洞上穴天光餘皆篝火相通凜乎不可久留矣洞口右側龍湫二一深丈餘一則投以石有聲噌吰杳不知其所止自蘇郭先後乞雨響應乃建喜雨亭於

清遠縣志

卷十六

亭臺樓閣

五

洞外嗣此無過問者亭遂廢龍豈獨靈於二君耶抑適逢其會歸德于龍以神其說耶康熙癸巳春三月余奉調茲土蒿目荒潦步禱水旋卻迄秋復苦旱百祈弗應猛憶二君已事遂虔率僚屬及歐子升甫輩詣湫禱且祝曰龍果靈期以五日如得雨當新爾亭是夕即微雨越三日又大雨余既喜龍之靈果立能致雨如此且恍然於蘇郭二君當日之歸德於龍實有是昭昭不爽者因亟命工築亭而仍名喜雨以復古蹟以志神異非必如東坡居士斤斤為雨志喜也而茲亭之久久嗣葺殆將與金芝巖之勝共千古云

峽志

孫繩祖得雨喜復舊亭勒石志異以貽後賢詩見上

秋禾驚旱虐幽壑起潛龍石燕飛時雨溪流亂午春碑摹新墨水

柳州紀神龍吸僧硯

亭闢舊苔封奇語勤民者金芝勝赤松赤松子三

皇時行
雨師也

陳弘烈恭謝孫父台禱雨金芝巖甘雨立沛詩弘烈四會人邑教諭

步禱渾如有脚春傾湫洗出舊亭新山靈自合通呼吸仙令何難
役鬼神郇野陰膏歌雨我周原離黍斷風輪豐年從此天人暢盛
事千秋燦翠珉同上

張聯奎喜雨亭詩聯奎徐聞人邑訓導

爭說芝巖有洞天乞來甘雨展豐年君身豈必為蘇後令績居然
在郭前撇却犁鋤人似鶴不空軒軸吏真仙崇碑鵠立新亭外好
譜歌聲入管絃同上

歐嘉遇喜雨亭恭謝詩嘉遇邑人國學生

喜雨亭重築傳心到此真天傾連日澍穀結一囊仁碑篆昂空谷
歌聲夾畫輪神君興古蹟樂事記編民同上

清遠縣志 卷十六 亭臺樓閣 五一

迎恩亭在南門外乾隆二年知縣陳哲重修光緒志引舊志
陳哲重修迎恩亭記見上

清遠當北道之衝冠蓋雲集城南之岸有埠焉蓋牙檣畫鷁所停
泊而上下者舊砌以古甃歲久潦水衝擊頽落殆半苔蘚涇滑往
往碍步予因倡都人士易以石逆流而改築之計若干級上有亭
數椽敗壁頽垣不蔽風日亦鳩工而併謀新之于是畫棟朱櫺臨
流弄影與落霞爭輝一時勝概真為二禺山靈粧點生面也時而
宦游吟眺觸景凭欄萬井烟村舂聲隱隱田疇錯落稻熟香黃則
有念稼穡之艱難而欲繪豳風者矣若夫身度庾關心懸象闕長
安漸遠旭日當頭登斯亭也賦楊柳之依依則亦有不遑將父不
遑將母之思者矣雖然猶後也今上龍飛以來山陬海澨澤溥膏
流藞爾小邑屢邀丹詔之頒微末小臣得以覲天顏之咫尺效三

祝于華封者斯亭也尤不敢褻矣顏曰迎恩蓋紀其天者乎或曰
舊埠于形家爲元武吐舌不利于縣治今改迎巽水巽水惟官之
水亦曰恩也是又生靈所關也姑就其說而並記之

光緒志

問歸亭在山峽

峽志

清楊玠問歸亭詩

玉環猶在老僧非回首茫茫是總違爲問歸來何處所上陽天竺

兩依稀

峽志

宋壽圖問歸亭詩

壽圖長洲人知縣

折柳勞勞怨別離秋風蕭瑟動相思玉環已卸吾廬在可許歸來

再畫眉

同上

孫可佩問歸亭詞調寄相見歡

見上

無端別去匆匆玉環空歸來亭畔無復舊花宮 記得是櫟社上

清遠縣志

卷十六

亭臺樓閣

五一

古刺東洞雲開處爭拜主人公

峽志

張爾信問歸亭詞調寄赤棗子

爾信山西舉人官廣東左衛

洞杳杳霧濛濛袁姬隱約在簾櫳欲問歸時無覓處閒花滿地笑

東烘

同上

孫繩祖問歸亭詩

見上

欲訪袁姬最上峯且從此處問歸踪湘裙未必臨風舞羅韞空憐

惹露濃緣淺不堪腸寸斷情深猶冀話重逢亭虛四顧杳無極消

息何人肯告儂

同上

郭志融問歸亭詩

見上

君問歸期未有期玉環不爲寄相思一番來去分明意祇有山中

老衲知

本集

飛泉亭在峽山

阮通志

瀑布左卽淙碧軒也平藩重建邑令孫繩祖顏

曰飛泉

峽志

清袁枚峽江寺飛泉亭記

上見

余年來觀瀑屢矣至峽江寺而意難決捨則飛泉一亭爲之也凡人之情其目悅其體不適勢不能久留天台之瀑離寺百步雁宕瀑旁無寺他若匡廬若羅浮若青田之石門瀑未嘗不奇而游者皆暴日中距危崖不得從容以觀如傾蓋交雖懼易別惟粵東峽山高不過里許而磴級紆曲古松張蓋驕陽不炙過石橋有三奇樹鼎足立忽至半空凝結爲一凡樹皆根合而枝分此獨根分而枝合奇已登山大半飛瀑雷震從空而下瀑旁有室卽飛泉亭也縱橫丈餘八窗明淨閉窗瀑聞開窗瀑至人可坐可臥可箕踞可偃仰可放筆硯可瀹茗置飲以人之逸待水之勞取九天銀河置几席間作玩當時建此亭者其仙乎僧澄波善奕余命霞裳與之

清遠縣志

卷十六

亭臺樓閣

五三

對枰于是水聲棋聲松聲鳥聲參錯並奏頃之又有曳杖聲從雲中來者則老僧懷遠抱詩集尺許來索余序于是吟咏之聲又復大作天籟人籟合同而化不圖觀瀑之娛一至于斯亭之功大矣坐久日落不得已下山宿帶玉堂正對南山雲樹翳鬱中隔長江風帆往來妙無一人肯泊岸來此寺者僧告余曰峽江寺俗名飛來寺余曰山何能飛惟他日余之魂夢或飛來耳僧曰無徵不信公愛之何不記之余曰諾已遂述數行一以自存一以與僧

小倉山房

續文集

孫繼祖飛泉亭詩

上見

一片松風送雨斜怒濤聒耳雜鳴蛙鬣蘇參透動中靜游厲心安

卽便家

峽志

陳繩祖飛泉亭詩

上見

仄徑犖确菩提香鳳尾葉大如人長夤緣危棧度秋蚓榕根絡石
鬚髯蒼重陰照我耳目綠山光樹色交清涼忽聞泉聲瀉幽竇初
如戛玉微鏗鏘叢鈴碎珮隔烟霧山鳥無聲聽韶護戰葉徐看度
壑風攬枝猛出當熊樹磴盤徑轉礪逾逼欲往從之似無路凌虛
忽渡渡香橋嵌山置屋精且牢枯藤怪草引絕壁直下千尺奔銀
濤滄泓一曲見砂石我愛色白如醇醪乞僧一勺僧不惜言是雲
堂庖湏皆周遭更言秋瀑勢方殺惜君不見春霖夏潦來滔滔泉
源乃自山頂出雨後泉壓山峰高疾雷驟雨兩疑似濺珠瀆沫濛
濛瑟瑟直灑庭戶如秋毫我聞僧言愈神王引榻排窗坐相向坐
久渾忘泉有聲決皆直到層霄上冷然便欲御風行更蹈蒼崖躡
青嶂

何刻

關槐飛泉亭詩

上見

清遠縣志

卷十六

亭臺樓閣

五四

峭壁挾泉飛盤石負亭立孤亭寂無人颯颯古風人

上同

蕭榕年飛泉亭詩

上見

誰引萬斛泉跳珠何澄徹孤亭出層巔懸瀑蒼崖裂當逕樹連枝
倒影風湍咽我欲枕其流疑聞廣長舌

上同

許學范飛泉亭詩

學范錢塘人

飛泉百尺向空飄風滿山亭撼石橋禺北花殘霏玉屑嶺南日暖
溜水條生崖孟浪光陰迅塵世奔波意氣消夜靜聲高迴客夢枕

邊琴筑慰無聊

上同

唐英飛泉亭詩

英潘陽人官
海關監督

瀑灑飛來寺潺湲樹杪懸雷霆轟殿角珠箔掛詹前溪折玉龍走
磴高霄漢連伐毛堪洗髓塵吏擬登仙

上同

劉子揚飛泉亭詩

上見

千尺流泉萬仞山穿雲漱石勢潺湲水晶簾外沉沉碧幾度詩豪

獨往還上同

許慶宗飛泉亭詩上見

幽巖豁豁訝風磴峯危石琴筑響叢翠珮環憂寒碧方知樂出虛

地空萬籟迫響習二禺靈削韶譜清夕上同

林伯桐飛泉亭詩上見

山泉亦飛來飛泉到何處一勺終歸海莫向紅塵去阮刻

史譜飛泉亭詩上見

寺本空中來泉亦空際落破峽出蛟龍驚飛下巖壑同上

僧成果飛泉亭觀瀑詩成果長壽主
席峽山僧

山中無地着塵勞一角孤亭快此遭試問置身圖畫未雪花如雨

濺吟袍 誰從天上挽銀潢洗出山林六月霜寒綠一衿眠欲倦

清遠縣志

卷十六

亭臺樓閣

五五

半空惟隱聽笙簧 更無塵滓不消融對此飛泉瀉碧空想是人

間尙氛侵天教銀漢滌鴻濛續峽志

觀善亭在城內鳳城書院內內豎郭孝廉鍾熙重修鳳城書院碑記

於亭壁此地卽朱叔子觀善精舍址伯襄
訪册

清風亭在南門口大碼頭西道光二十九年紳民以知縣程兆桂有

遺愛因其移知廣寧故建此亭以誌德政寸草
堂集

浴日亭在峽山卽嘉會亭址鍾太守題曰浴日峽志

笙鶴亭在峽山明知縣孫麟建峽志

涵碧亭在太和洞光緒丙申知縣和廷彪建馮瑩石
訪册

清和廷彪涵碧亭記廷彪滇西
人邑侯

清遠縣治東有峽山焉當水陸之衝多高人題詠得名最早其西

北山中有太和洞咸豐中始創一觀溪澗幽僻未有知者歲癸巳

余蒞茲土數閱月而政少暇既遊峽山聞此地尤雄秀遂與客策蹇登焉緣溪尋徑而泉石之奇竊謂峽山弗如也蓋其磴道巉巖疊嶂交鎖峰迴路轉如在雲中溪行將半石扉洞開泉聲振耳有瀑如練懸千尺之巖心目俱豁上流兩溪悉滙於此四圍石壁競險爭妍平者如削絕者如疊重者如墜緣以蒼翠不假荆關手筆而成天然圖畫對巖飛泉百道琮琤助響遊人至此輒徘徊不忍去惜無憩息之所可以棲遲今歲六月余復遊此爰作亭於山之陰跨流架石鑿山構椽不日而成是亭也群山爭赴空翠四合左右澄潭靜虛見底天光山色竹樹之影皆倒映其中雖秋冬不殺故以涵碧名之大清光緒丙申七月

小山亭在城西郭家花園內

寸草堂集

清向陽小山亭詩

見上

清遠縣志

卷十六

亭臺樓閣

五六

積土成山勢山巔結小亭雙眸開豁達四面透瓏玲近水光浮白凝烟色抹青邱陵難駐足吾意在蒼冥

寸草堂集

又小山亭下池塘詩

見上

上朔孤亭下小池山青水綠兩相宜韉紋細縐風橫掃鏡影同圓月倒窺一勺無多涵帝澤三冬不涸見神奇高飛太液欽雲雁靜對清流合賦詩

同上

天塘亭在濱江天塘山以山頂有天成魚塘名之山半有路曰天塘逕鄉紳溫琪英建亭施茶

光緒志

清蔡夢麟天堂亭詩序云十七歲時夢游天堂今忽忽十九年矣因成七律以紀游焉

夢麟南城人邑侯

入夢乾隆辛亥歲紀游嘉慶戊辰年事真咄咄客題柱亭是勞勞人息肩夾岸楓林香不斷四圍山翠墮俱圓土行八翼荒唐甚飛

烏何時粵到燕 安排茶灶淪春烟蟹眼圓明候火煎石磴艱于
鮎上竹輿人渴似驥奔泉鄉村故事徵亭長肘腋清風屬茗仙天
在山中君不見分漿何必扣窮元 光緒志

交影亭在峽山登古寺之西路光緒甲午年提督學政徐琪建

厚培訪册

清徐琪交亭影記

琪仁和人官侍郎提督廣東學政

飛來寺爲粵中最勝境然自寺門以至帝子祠無慮千級行者告
疲余乃出俸資於山半築此亭海鏡上人謂是舊時伴雲亭址余
以是處下瞰江流文漪如鏡東坡詩所謂水平山影交者於此正
合因名之曰交影亭爲紀諸石時光緒二十年歲在甲午秋七月
存碑

聽泉亭在太和洞光緒間邑紳麥淙徽建

拱璇訪册

清麥淙徽聽泉亭序

淙徽邑人廣西候補道

清遠縣志

卷十六

亭臺樓閣

五七

余兩度北游所歷諸名山未嘗不造巔峯登絕巘然皆涉覽一過
弗獲勾留及歸里門偕二三良友詣太和洞作平原十日之游覺
飛泉咽石峭壁摩天溪澗縈迴層巒交鎖如登太華眷眷而不能
舍去昔范文正公經畧西陲尚不忘于圭峰山下讀書處予謏陋
何足以語范公而流連于斯洞之心則近似之得毋靈山會上舊
有因緣耶歲在癸卯之夏復登是山流連往復終日不倦綠陰之
下倚磴危坐聽濤聲刷耳一洗車馬喧闐之俗顧而東之爲關地
數尺築亭於茲因憶李白有倚樹聽流泉之句遂以聽泉額是亭
焉此識光緒十九年清和吉日 碑存

影日亭在太和洞內光緒初建

楚瑜訪册

清崔錕豪影日序

錕豪南海人附生

予以光緒三十一年春偕沈梅麥侯諸君詣洞數日罷游而返出

洞門至半山瞥見紅日初升光騰萬丈層巒聳峙萬壑爭流顧影
增妍信可樂也是夏諸友擬築亭於其間爲游客駐足之所因額
之曰影日亭取其遠瞰雲門近瞻紅日依依把袂不忍言旋繪影
繪聲足資憑眺用綴數語聊誌不亡光緒三十一年六月
存碑

葛洪丹竈在和光洞

南海百詠

清蕭榕年丹竈詩

見上

稚川羅浮來采藥雲深處

葛仙自羅浮來此

洞口苔蘚青飛鳥隨去住丹

竈高峯寒峽影入江暮仙翁不可見晴天濕烟霧

何刻

劉子揚丹竈詩

見上

石竈依稀竈有模仙翁曾此煉丹無從生不食人間火策遍雲巖

一意孤

何刻

流香橋在峽山通仙源

峽志

清遠縣志

卷十六

亭臺樓閣

五八

明朱學熙流香橋詩

見上

碧桃臨水影紅綃一陣風迴花氣飄峽口月明仙馭返玉笙吹過

第三橋

峽志

清陳繩祖流香橋詩

見上

水石蔭重樾幽極生涼颺攀藤一徑轉架壑長橋危歲久荒蘚合
把滑枯筇支一失落千仞凌兢安敢窺旁有老樹根鬱怒蟠蛟螭
我行不暇顧僧告連理枝翼然孤亭出絕壁天紳垂數疊響飛素
一井澗清漪清涼沁心骨幽幻開神奇掬飲選盤石撥蘚捫碑詞
松風催蟹眼僧定已多時

何刻

關槐流香橋詩

見上

香界靡不香石髓滴芝蕙平橋截衆流一吸三日醉

何刻

史譜流香橋詩

見上

虹影印迴溪笙竽鳴絕磻泉清水自香不借桃花片

阮刻

藤橋在峽山

峽志

清何章燦藤橋詩

章燦邑人庠生

拜經台尚在 寂不聞經我正懷人傑藤先報地靈發生根自固

接引日無停便是禪通處何須悟杳冥

峽志

紫桂廬在藏霞洞同治間建

藏霞集

郭祺藏洞霞紫桂廬序

祺邑人歲貢生

嘗思羊却不臨長居福地駒光徧閱修隱靈山籍斯甘露壇塲看
破浮雲世界但教一局棋枰林泉有分三生笠屐谿壑無塵則松
花菜熟柏子茶香正不必圓嶠方壺始足爲經房丹室也原我紫
桂廬之設於藏霞洞根蟠洌水基鞏禺山羣嶽森其盤鬱衆流滙
其清華前環一水列星岫爲藩籬後枕三台挿天峯爲屏帳右岡

清遠縣志

卷十六

亭臺樓閣

五九

鶴翥左嶺龜蟠形成疊翠猿抱果而朝真相幻空青鹿啣芝而獻
壽集圖書於四山聚烟霞於一室當其廣偕同志搜立雄基陟崎
嶇登險阻披荆棘之蒙葺附葛蘿之屈折曉衝澗霧夕拂巖烟筋
勞力竭志確心誠陡逢兩大之奇觀遂獲千秋之佳境然斯地也
爲弟子李成樑祖上稅山幸得解推欣然移贈許捐地作洞基約
分流爲界址於是叩準神乩稟明憲示而弟子等首率力捐躬親
締造襲狐裘起鳩工沿崖作磴倚石爲垣及同治己巳年秋而神
座橫列五間不越瓜期遂成草創而歷年派人事旦暮之香燈習
晨昏之功果暇則削苔砌徑刷草開畦凡蒔花種樹植果栽茶一
切藉群力焉及後數年復偕同志倡衆題簽集工舉事從此豎樁
築壁填土爲臺室展旁居階留散步因勢而成導出灣環之路相
機而作削平傾仄之堂而遊廊及頭座等處規模甫就氣象旋新

並山頂文閣祀三帝之香龕及洞曰禹門與幽壇之經座亦因樂捐而陸續告竣矣於今松柏成林李桃夾道葱葱佳氣奕奕祥光雖非琢玉爲樓編珠作闕但一瓣能傳一枝可寄得以移情於薜荔亦何異托足於蓬萊顧斯廬之立也觀衆生之逐逐世網難逃慨大地之茫茫塵羈莫脫不求航渡奚免輪迴荷我師尊明訓庶幾指破迷途引歸覺路所以千秋慶誕夏冬薦釜藻之馨五晝開經水陸設盂蘭之會按季而行遞年爲例將以結因緣之善果亦以酬神聖之鴻庥至於抱出世之姿因以習長生之術夜守庚申年忘甲子對此院邃房幽窗明兒淨而佛仙經卷日月雙輪花鳥園亭乾坤一鼎則石曼卿之蓉城未嘗遠矣鄭安期之蒲澗其在斯乎歷陳興建以誌緣由而從前或效勸事之勞或推解囊之助編泐姓名以垂永久是爲序同治八年己巳歲月

藏霞集

清遠縣志

卷十六

亭臺樓閣

六

逍遙臺在太和洞左便光緒初年建

說廷訪册

羣眞樓在太和洞光緒丙申年建

同上

風雨名山亭在藏霞洞光緒四年建

藏霞集

八角亭在藏霞洞後半山光緒間建

同上

清馮蘭芬八角亭詩

蘭芬字柑川邑人邑庠生

洞裏涼亭八角開八方風氣四時來騷人選勝留題咏叉手應推

絕妙才

藏霞集

弘毅軒在太和洞右光緒間建

楚瑜訪册

八德精舍在藏霞洞光緒間建

藏霞集

清廖明良八德精舍詩

明良字首寅邑人增生

堂銘八德壁間陳梵典丹經重本眞縱使游方分內外佛仙原是

讀書人

同上

養真廬在藏霞洞光緒間建

同上

清徐家樞養真廬詩

家樞字翼垣
邑人耆儒

槿籬深處隔清溪玉女參禪此寄棲養到天花身不着鏡臺塵淨

證菩提

同上

觀海亭在藏霞洞口光緒二十一年建

藏霞集

廖明良觀亭詩

見上

只因觀海難為水海鬱奇觀眼便高我上此亭空一切仙山縹緲

入吟毫

同上

智水仁山亭在藏霞洞光緒二十七年建

同上

更新亭在藏霞洞光緒三十年建

同上

盥漱亭在藏霞洞宣統二年建

同上

廖明良盥漱霞詩

見上

清遠縣志

卷十六

亭臺樓閣

六一

携手同臨盥漱亭碧欄干下噴瓏玲渾疑玉戲神仙後進入飛泉

灑石稜

同上

暢幽亭在藏霞洞為超幽之用有暢叙幽情扁宣統間建

同上

廖明良暢幽亭詩

見上

松陰門對不曾關誦徧經聲感石頑怪得幽魂終悟道為承衣鉢

向名山

同上

達摩亭在藏霞洞有石平平相傳為達摩蒲團所化宣統三年建亭

於其畔

同上

鳳凰樓在飛霞洞山頂民國二年建

飛霞洞志

壺天少駐亭在飛霞洞民國五年建

同上

文魁樓在大壘底民國十年建與七星岡文塔對峙可稱中流砥柱

知止亭在飛霞洞民國十二年建

飛霞洞志

成已樓在太和洞右便民國丙寅建

飛霞洞志

澄心亭在太和洞民國戊辰陳精博捐建

銳廷訪册

會芳亭在公園內民國十三年建

泰棧訪册

陶陶亭在公園內民國十五年縣長陸煥捐建

樂民訪册

陸煥陶陶亭記

煥信宜人縣長

余以去歲八月一日奉檄是邦邑人士方擬改清遠公園之名曰中山以資紀念余聽其議為籌數千金規劃工程廣續建築董其事者復熱心經營期月而規模畧具惟園地寬廓少游人休息之所爰捐廉構一亭顏曰陶陶意在與眾共樂云爾民國十五年十一月存記

景弦樓在公園內民國十七年附城商民捐建

同上

清遠縣志

卷十六

亭臺樓閣

六一

劉吉屏景弦樓記

吉屏邑人商會會長

中華民國紀元越十有七載秋九月附城商眾遽資築樓於清遠縣中山公園日為羣眾娛樂之所謹遵孫總理愛國恒訓定名景弦樓竊思先哲弦高曾以計沮秦師安鄭境實愛國商人之祖足為我輩灑也

存記

惜步亭在太和洞

拱璇訪册

大觀亭在太和洞

銳廷訪册

軒轅閣在飛霞洞民國十七年建

飛霞洞志

清泉亭在藏霞洞民國十七年建

慕陶訪册

洗心亭在藏霞洞民國十七年建于龍潭水畔其水由龍口瀉出清

冽甘滑故建亭於此

同上

民樂亭在公園內隊長潘伯良捐建

泰棧訪册

潘伯良民樂亭記

伯良邑人
滇軍營長

民國十六年冬共匪糾黨撲城伯良與謝君禮堂奉縣長陳公守仁之命殲滅之殺賊歸來卽任伯良以全縣游擊隊長職務因隊部密爾公園公餘之暇得與邑人士朝夕遊覽於斯喜曲徑之幽通迺日涉以成趣則見草色迷離花光明媚鶯歌蝶舞肯讓沁水之奇姹紫嫣紅不減平泉之色每值春秋佳日花月良辰士女如雲遊人似織評花品竹競談絮果蘭因撲蝶觀魚頻現釵光鬢影但祇有遊觀之所無多駐足之區伯良引以爲憾焉迺擇定藥圃西偏松陰深處爰捐廉俸立與施工作四角之排鱗效干山之峙翼亭中列以石磴亭外周以石欄樹影交加昞夕陽之在望花香四溢豈獨樂之能僑工竣之日迺命以名竊思古人名喜雨者所以志豐年之兆也名醉翁者所以志山水之樂也今縣長陳公以

清遠縣志

卷十六

亭臺樓閣

六三

邑人再權邑篆爲地方策治安爲桑梓謀福利故境內絕萑符之跡民間無鷄犬之驚使伯良常得與我父老昆弟諸姑姊妹遨遊於園內歌詠於亭中笑拈花草共話桑麻何樂如之伯良武人也胸次無文不識命名之旨率以民樂之名名此亭以示與民同樂之意云爾民國十七年三月

記存

愛山亭在飛來寺西邑紳麥珩徽捐建其弟球徽其子振錯振堃於民國十九年董成之

澤生
訪册

朱汝珍愛山亭記

汝珍邑人字聘
三榜眼及第

庚午季夏余歸里門麥子球徽買舟載酒命儔嘯侶邀余往遊峽山寺旣相與望峭壁聽流泉拾級而登將訪二帝子讀書之所甫數武見有亭翼然落成於路側題記尙闕詢之球徽則曰此名愛山亭先兄珩徽所命手定基址球徽與吾兄予振錯振堃鳩庀而

築成之者也驟聞莫明其命名之意繼而思山至靜也珩徽沉默寡言笑其心之靜似之山至厚也珩徽慷慨好施與其性情之厚似之山至廣大也珩徽寬宏能容物其度量之廣大似之惟其似之是以愛之歟不然上有飛瀑下臨澄江何獨不有取于水也若茲山來歷之古風景之幽與夫名題勝蹟可愛者至多然來遊者能自得之不贅述

碑存

修身舍在飛霞洞

飛霞洞志

藏經閣在飛霞洞

同上

養性樓在飛霞洞

同上

達觀亭在藏霞洞民國十九年建

慕陶訪册

桃李亭在太和洞

鸞藻訪册

六角亭在飛霞洞民國十九年建

飛霞洞志

清遠縣志

卷十六

亭臺樓閣

六四

自然亭在太和洞民國二十年建

銳廷訪册

安樂居在明霞洞民國二十二年建

慕陶訪册

錦霞院在飛霞洞民國二十三年建

同上

寶澤亭在峽山飛來寺西邑紳朱雲章捐建

叔平訪册

朱雲章寶澤亭記

雲章邑人字叔平歲貢生

亭以寶名重先澤也昔我伯祖忠愍公諱學熙字叔子忠孝質直留心時事生當明季目擊外侮內訌生靈塗炭拯拯無權因憶少嘗墮井曾藉佛靈下救茲當水深火熱倘得我佛慈悲顯靈援手俾大千世界離苦海而樂生天是當朝夕馨香祝禱者也故深情所寄像以奉之詞以贊之命工鐫石立於邑城華嚴寺左廂嗟乎熱血滿腔千秋如見厥後詣闕上書勤王就義赫赫然光有明三百載河山良有以也無何時勢變遷華嚴傾塌像碑散失章嘗惜

之庚申承乏重修縣志忽於同事白君兆尼家得慶珠還其諸冥冥中若有呵護者歟然則將何地以處之通誌稱忠愍公性耽山水生平破金數千疏治南北二禺名勝築帝子讀書臺清音樓山暉堂淙碧軒花阡筆塚題詩品勝勒石磨崖韻事流傳不少今移像於禺山麓亭以奉之想公應亦默許爲是也亭旣成顏曰寶澤以示珍重先澤云爾并紀以七截二首其一山中人去剩殘碑幾度搜還慰所思與佛有緣遺澤遠從今壽比北南禺其二像碑淪落慶還珠佛法因緣話不虛吩咐山靈亭默護長留書畫壯名區

民國九年庚申

碑存

長天塔在飛霞洞鳳凰樓之後該洞主持麥長天塋己八年迨民國二十四年開棺移葬見其屍骸未腐鬚髮未脫因卽扶起趺坐全身油漆貼金遂建長天塔奉安之昔南華寺憨山和尚塋地十二年浮

清遠縣志

卷十六

亭臺樓閣

六五

供八年越二十年之久韶州鎮宋昭明開龕視之見其趺坐儼然入定法體未變因照六祖之例漆金奉之稱爲曹溪七祖今長天入地不腐蓋亦肉身成道也

道義訪冊

烈士紀念亭在中山公園內土山之上民國二十三年縣長吳鳳聲撥款二百元倡建二十五年三月開幕胡漢民題額

民意報

鄒魯烈士亭序

魯大埔人中
山大學校長

李烈士文楷籍清遠辛亥廣州三月二十九日革命死事黨人一也民國成立之二十四年清遠人士紀念功勳爲之立碑請碑文於西南執行部余受命撰文蓋後死者之責不敢以不文辭謹按烈士幼經商長爲工所嗜之書不過稗官小說所慕之人不過草澤英雄卒之一聞主義視死如歸論者謂烈士之精神不獨此役全體之精神而實吾黨澈底之精神因此革命之功不逾年而

成嘖偉矣哉抑余不能無感焉者民國之成也黨人不逾萬視滿清數十萬軍隊如無物風起雲湧前仆後繼用能推翻數千年君主之局而成今日之民國及今黨人號稱數十萬擁兵百餘萬已棄遼吉又棄黑熱今并河北亦供敵取攜雖曰領導非人而黨人品質之純否亦其中大原因焉蓋當時之黨人爲主義奮鬪有死之心無生之望今則以入黨爲進身之機利在則如蟻之附羶加以宣傳之方逾工掩飾之術逾妙好話說盡壞事做盡猶復卑視一切所談非馬克思列寧之主義即慕梭里尼希德勒政綱但見敵如鼠畏之如虎以視烈士之爲人其賢不肖爲何如哉孔子曰始吾於人也聽其言而信其行今吾於人也聽其言而觀其行執筆思此又安勝其感慨哉讀吾文者其亦有所反省乎國家民族實利賴焉而不然者吾徒大聲疾呼而終無救於淪胥以亡而烈

清遠縣志

卷十六

亭臺樓閣

六六

士乃僅僅獲先烈之名而其目終不瞑也悲夫中華民國二十四年六月大埔鄒魯撰邑人陳可鈺書端州梁俊生刻石

湖濱小苑在東門塘邊初爲城內居民棄塵芥之地民國二十四年拆城後各界以其水木清華景緻幽雅遂捐款建築小苑蒔植花木以資點綴研究教育會員因捐款購備報紙於其中任人觀覽

銳廷
訪册

